

拔萃良方

民國辛酉孟春之吉

拔萃良方

四明方壺題簽

為善最貴

宏大善書局謹識

叙

庚戌秋。余乞假南旋。過吳門。憇於樹護居。偶於案頭得是編。因而閱之。知為恬素氏舊輯本。後復隨時補刊。其採擇益精。其療治益備。誠濟世一片婆心也。夫方肇自內經。衍於仲聖。嗣是肘後外臺千金聖惠諸書。不一而足。然執古方以治今人。或未足以窮其變。後賢法製推闡。因時制宜。往往神妙莫測。是書所刊。悉皆應驗。樹護主人。因借樂善諸君子。廣為印送。歷數年無倦。達數省。輒行。凡鄉僻閭里。逆旅舟車。得是編者。不且無醫而有醫乎。其功亦曷有量哉。余故樂得而揚扞之如此。

道光三十年歲次庚戌冬十月

太倉陸增祥書識

叙

古之人有兼人之具。故無內外科之分。分之自唐宋始。於是作者如林。著述充棟。然非有祕授神傳。伎倆亦無可觀。蓋瘡瘍痛苦。有無量煩惱。而祕藥靈方。竟有非情理可測者。用之得當。能定痛苦於頃刻。消諸毒於無盡。此其力量不可思議矣。間讀周標下侍郎書影。謂欲聚散記雜錄中。遺方軼事。彙刻之以壽世。蓋古之人苟非一一經驗。不敢率爾操觚。其功與刻無益之書有間。然賴古堂叢刻中並無其書。或侍郎有志而未成歟。余承乏雲間。嘗與黃省齋先生言之詳矣。茲改銓山海關通判迎養家君。重來吳下。省齋先生出是書索叙。云係同志友所彙集。其曾經屢驗諸方。鈔板以廣傳濟者。因識數言為之序。

道光二十一年閏月下澣建寧王甫夏世堂撰

集驗良方拔萃目錄

卷一

瘍科類方

仙方活命飲

神授衛生湯

荆防敗毒散

內消散

銀花甘草湯

遠志膏

琥珀蠟礬丸

護心散

透膿散

乳香黃耆散

托裏消毒散

參耆內托散

陽和湯訣

二陳湯訣

內消丹丸類

飛龍奪命丹

保安萬靈丹

小金丹

青龍丸

救生丹

遇仙丹

內消拔毒生肌丹散類

靈應必消散

上上龍虎如意丹

八將擒王散

牙消散

不二散

桃花散

附八寶生肌散

黃靈丹

腫瘍敷藥類

患孔毒根平安餅

黑龍丹

附脫肛方

如意金黃散

沖和膏

迴陽玉龍膏

鐵桶膏

膏藥類

普救萬全膏

大紅硃砂膏

拔疔最捷

腦砂巴膏

咬頭膏

神效千槌膏

五苔頭草膏

生肌玉紅膏

咽喉類

奪命紅棗丹

附方一

萬應喉中散

咽喉良方

三妙散

獨勝散

點喉神效法

治喉珠驗方

通音煎

疔瘡癭瘤瘰癧類

疔疔良方

附小兒疳疔食積妙方

立消疔瘡外治神效方

疔瘡走黃

治癭瘤神效良方

消癭丸

蹲鴟丸

治癰瘰良方

眼科類

治痘疹產風眼神藥

七鍼丹眼藥方

眼珠生翳膜仙方

眼流注良方

偷鍼眼方二

眼腔成漏

眼中起星方二附方二

眼中胬肉

目惹沙泥

飛絲入目

鼻耳口齒類

草靈丹附方一

鼻衄不止方四

諸般耳聾

牙痛灸法

牙齒痛驗方

赤霜散方二

乳症類

萬應乳症內消丸

積乳成癰良方

風癬諸瘡腫瘡漏管類

妙應癰藥酒

治一切濕瘡方

瘡症擦摩膏

治千日瘡神法 方二

天泡瘡方

羊鬚瘡 方二

洗凍瘡法

濕風瘡

象皮膏

軟脚散

蠶退除漏

卷二

雜症類方

天中茶

隔噎神效奇方

咳嗽神效杏酪方

三冬蘿蔔治痢方

瘡肥瘡應驗良方

除濕清熱散

神異丹

凍瘡潰爛

多年腫瘡

脚指脫疽

望梅丸

退管神方

靈寶如意痧藥

心胃氣痛良方

經驗瘧疾方

痢疾神效方

蠟梨瘡

燕窩瘡

凍瘡治法

流火治法

白玉膏 附洗方一

脚墊傷痛 方二

脫肛神方

痔漏消管神方

虔製太陰丸

日久咳嗽良方

三陰春雷

風濕稀桐

癸卯年續補集驗拔萃良方目錄

內消疔瘡神丸 附方一

八寶丹

潤肌膏

吐血良方 附方一

治臃脹良方

治瘰疾靈膏

痢疾奇效良方 三

萬應神糰

治流火經驗方

小兒至寶丹

小兒大小便不通

天竺膏藥方

神效八厘散

治咽喉青芝散

豬胆膏

治哮喘良方

治虛勞奇法

瘰疾奇效良方 三

治三日瘰良方

萬應如意痢疾丸

治鼻中瘻肉良方

治白濁良方

砂雪丸 驚藥

救苦靈膏

諸般痧喉效驗方

保產萬金湯

難產保生

牛膝湯

產後陰腫

附方一

小兒雜症類方

小兒生下不啼救法

初生小兒臍風神效方

小兒口疳

附方一

小兒誤吞鐵釘良方

便產神方

生化湯

失笑散

小兒月內出痘神方

小兒驚風論

斷乳奇法

三豆散

通津救命至靈湯

平胃散

華仙師愈風散

神效稀痘方

急慢驚風立救法

小兒誤塞豆粒入鼻神法

萬病無憂酒 附洗方一

治猪羊二癩風方

治夢遺猪肚丸

閃腰挫氣 方二

瘋犬咬奇法

傷科類

治傷神效十寶散

金刃傷

被毆傷風神方

湯火燙治法 方三

女科類

調經丸

當歸丸

臨產六字真言

寒濕神應藥酒

陰症秘法

治疝開元固氣丸

治蠱毒預防法

治癩狗傷

重物壓打

神效刀口藥

人咬傷痛 方二

黃疸神應妙方

純陽救苦湯

吞金治法

保身立命要訣

犬咬奇法

誤斷指頭

玉真散

跌仆攣筋

種玉酒

保胎盤石丸

加味芎歸湯

返魂丹

葆元異驗膏

佛手散

- 一治遠年近日心痛。貼中腕穴。一治大小瘡疾。貼肺腧穴。
- 一治五勞七傷。遍身筋骨疼痛。腰膝軟弱。貼兩膏肓穴。兩腎腧穴。兩三里穴。
- 一治左癱右瘓。手足麻木。筋脉拘攣。貼兩肩井穴。兩曲池穴。兩手腕穴。兩膝眼穴。兩三里穴。
- 一治腰痛。貼命門穴。一治受寒泄瀉。貼下腕穴。
- 一治痰喘氣急咳嗽。貼華蓋穴。肺腧穴。膻中穴。
- 一治胃氣疼痛。貼上腕穴。一治偏正頭風。貼風門穴。兩太陽穴。
- 一治男子遺精赤白濁。女人赤白帶。月經不調。血崩漏。貼陰交穴。命門穴。
- 一治小腸疝氣。貼膀胱穴。丹田穴。一治走氣疼痛。貼兩章門穴。
- 一治寒熱脚氣。貼三里穴。三陰交穴。
- 一治一切無名腫毒。諸般惡瘡乳患。跌打損傷。積滯痞塊。勞傷內傷。閃挫等症。各貼所患之處。
- 凡大熱火症。以及孕婦。忌貼。此膏屢試屢驗。無不見效。真神膏丹也。

集驗良方拔萃卷一

。仙方活命飲

治一切癰疽。不論陰陽瘡毒。未成者即消。已成者即潰。化膿生肌。散瘀消腫。乃瘡癰之聖藥。誠外科之首方也。

穿山甲 三大片炒 皂刺 五分 歸尾 壹錢五分 甘草節 壹錢 金銀花 二錢 赤芍藥 五分

製乳香 五分 製沒藥 五分 天花粉 壹錢 防風 七分 土貝母 壹錢 白芷 壹錢

陳皮 壹錢五分 右十三味。好酒煎服。恣飲盡醉。

。神授衛生湯

治癰疽發背。疔瘡對口。一切丹瘤惡毒諸證。服之宣熱散風。行瘀活血。消腫解毒。疎通藏腑。乃表裏兩實之劑。功效甚速。

皂角刺 壹錢 白芷 六分 防風 六分 穿山甲 六分炒 羌活 八分 連翹 六分 歸尾

壹錢 製乳香 五分 沉香 六分 金銀花 壹錢 石決明 六分 天花粉 壹錢 甘草

節 壹錢 紅花 六分 大黃 二錢酒拌炒 右十五味。水二碗。煎八分。病在上部先

飲酒一杯。後服藥。病在下部先服藥。後飲酒一杯。以行藥力。

○ 荆防敗毒散

治傷寒頭痛。憎寒壯熱。項強睛暗。鼻塞聲重。風痰咳嗽。及時氣疫癘。嵐瘴鬼。瘧。或聲如蛙鳴。赤眼口瘡。濕毒流注。脚腫腮腫。喉痺毒痢。諸瘡斑疹等症。

人參 五分 無力服參者 羌活 獨活 防風 枳

殼 麩炒 柴胡 桔梗 前胡 茯苓 川芎

甘草 五分 右藥十二味。加生薑三片。薄荷少許。水二鐘。煎八分。食遠服。

寒甚加蔥白三枚。口乾舌燥加黃芩。脚氣加大黃蒼朮。膚痒加蛻蟬

○ 內消散

治癰疽發背。對口疔瘡。乳癰無名腫毒。一切惡瘡。能令癰腫內消。使毒內化。

尿色赤污。從小便而出。勢大者雖不全消。亦可轉重為輕。移深居淺。

知母 貝母 花粉 製乳香 製半夏 白芨 穿山甲 炒鬆 皂角

刺 金銀花 以上分兩隨症輕重酌用 右藥九味。水酒各一碗。煎八

分。隨病上下。食前後服之。留藥渣搗爛。加秋芙蓉葉壹兩。研為細末。再加

白蜜五匙。用渣調敷瘡上。一宿即消。重者再用一服。

○ ○ 銀花甘草湯

治腫毒初起時皆可立消。內服此藥。外敷遠志膏。一切惡毒無不消散。但宜早服為妙。倘瘡已成膿。必須外潰。無從消散也。

○ ○ ○ 遠志膏

一切癰疽腫毒初起之時。隨用遠志肉二三兩。去心清酒煮爛。將汁濾下。其渣搗如泥。敷患處。用油紙隔布紮定。越一宿。汁同銀花甘草湯服之。其毒立消。屢試屢驗。其效如神。

○ ○ 琥珀蠟礬丸

治癰疽發背。瘡形已成。而膿未成之際。其人即不虛弱。恐毒氣不能外出。內攻於裏。預服此丸。護膜護心。亦且活血解毒。

黃蠟 壹錢

白礬 壹兩

雄黃 壹錢

硃砂 壹錢

琥珀 壹錢

白蜜 二錢

研細

右四味各研細末。另將蠟蜜入銅杓內溶化。離火片時。候蠟四邊稍凝。方將藥味入內攪勻。共成一塊。將藥火上微烘。急作小丸。如菜豆大。硃砂為衣。磁罐收貯。每服二三十丸。食後白湯送下。毒甚者早晚服。其功最速。

○ ○ 護心散

治瘡毒內攻。口乾煩燥。惡心嘔吐者。服此藥護心解毒也。

菜豆粉 壹兩 製乳香 三錢 硃砂 壹錢 甘草 壹錢 右藥四味。研細末。每服

二錢。白滾湯調服。早晚二次。實有神功。

透膿散

凡癰毒內已成膿。不穿破者。服此即潰。

生黃耆 四錢 白芷 壹錢 皂角刺 壹錢 川芎 壹錢 穿山甲 壹錢 當歸 五錢

金銀花 伍錢 牛蒡子 壹錢 右藥八味。水三鐘。煎一鐘。瘡在上先飲酒一

杯。後服藥。瘡在下先服藥。後飲酒一杯。

○ ○ ○ 乳香黃耆散

治癰疽發背。諸毒疔瘡。疼痛不可忍者。乃氣虛不勝毒之故也。服之未成即

消。已成即潰。不用刀砭。惡肉自脫。并治打撲損傷。筋骨疼痛之證。

人參 壹錢 或用真當歸 壹錢 生黃耆 壹錢 川芎 壹錢 熟地 壹錢 白芍 壹錢

炒 陳皮 壹錢 甘草節 壹錢 製乳香 五分 製沒藥 五分 罌粟殼 壹錢 筋膜蜜 去

右藥十一味。用水二鐘煎八分。量病上下食前後服之。

托裏消毒散

治癰疽已成。內潰遲滯者。因氣血不足。不能助其腐化也。宜服此藥托之。令其速潰。則腐肉易脫。而新肉自生矣。

人參壹錢 或用人參 四錢 茯苓三錢 生黃耆壹錢 當歸壹錢 白朮壹錢 白芍壹錢

皂角刺五分 金銀花壹錢 桔梗五分 甘草節五分 白芷五分 川芎壹錢

右藥十二味。水二鐘煎八分。食遠服。

參耆內托散

丹溪云。癰疽未潰。以疎托解毒為主。癰疽既潰。以托補元氣為主。二語可為

外科樞要

人參壹錢 隨病酌用 黃耆三錢 酒炒 當歸二錢 川芎五分 酒炒 甘草壹錢 五分 陳皮五分

金銀花五錢 丹皮壹錢 遠志壹錢 五分 去心 甘草水泡炒 右藥九味。加大棗五枚。水煎

服。

陽和湯訣 加生甘草壹錢

龍宮特獻許真君遺下余家為秘金。熟地兩方休少用。膜外之痰白芥二錢。侵鹿角膠三錢。滋陰分法。桂心壹錢。同薑炭五分。解寒凝。仰仗麻黃五分。開腠裏寒轉陽和氣血。巡麻黃得熟地不發表。熟地有麻黃不膩。隔神用。陰寒在斯遇平塌不痛大疽倍增煎服我用好酒。無桂不能生。腠裏非麻仍塞凝。薑炭炎天有議阻。缺之安得病離身。陽和九子惟三味。投劑同煎。當救人。

二陳湯訣 加白芥子炒研二錢

二陳湯以橘紅君五錢。薑製半夏為臣用二星。茯苓錢許。甘草少。增入陽和丸奏動。

飛龍奪命丹

專治癰疽發背對口疔毒一切無頭腫毒惡瘡。及有頭紅色。不知痛癢。或麻木未成。服之即消。已成即潰。誠陽癰良藥妙丹也。

杜蟾酥二錢燒酒化開 輕粉五分 血竭壹錢 明乳香二錢 沒藥二錢 雄精

參錢 胆礬壹錢 麝香五分 銅綠二錢 寒水石壹錢 硃砂壹錢 梅片三分

天龍一條即蜈蚣也去頭足金黃肚黑背肥壯淨 蝸牛廿一個 右藥為細

末。將蝸牛搗爛。同酒化蟾酥和入。共研為丸。如菜豆大。每服三丸。將葱白頭三個。口內嚼爛。吐手心內。包藥三丸。熱好酒吞下。以衣被蓋暖。一二個時辰。再吃熱酒。盡醉藥力發熱。汗出即愈。如未好時。再進一服。白色陰疽禁用。

保安萬靈丹

治癰疽疔毒。對口發頤。風濕風溫。濕痰流疰。附骨陰疽。鶴膝風氣。左癱右瘓。口眼喎斜。半身不遂。氣血凝滯。遍身走痛。步履艱辛。偏墜疝氣。偏正頭痛。破傷風牙關緊閉。截解風寒。無不應效。

茅朮

搗兩米泔水浸同芝麻炒

明天麻

壹兩煨

全蝎

壹兩酒洗烘乾

何首烏

壹兩製炒

石斛

壹兩

北細辛

壹兩

當歸

壹兩酒洗

荊芥

壹兩

川芎

壹兩酒洗

防風

壹兩

川烏

壹兩泡去皮

草烏

壹兩

壹兩

麻黃

壹兩

羌活

壹兩

甘草

壹兩

炙生各半

明雄黃

六錢

右為細末

煉

蜜為丸。如彈子大。每重三錢。晒乾。外用飛淨硃砂。陸錢為衣。磁罐收貯。

如惡瘡初起。二三日之間。或癰疽起。至十朝前後。未出膿。狀若傷寒。頭痛腦脹。煩渴拘急。惡寒。肢體疼痛。惡心嘔吐。四肢沉重。恍惚悶亂。坐卧不寧。皮膚

壯熱。又治四時感冒傳變疫症。但惡寒身熱。表症未盡者。俱宜服之。用葱白連鬚五枚。加陳酒一杯。同水煎滾。將藥一丸。乘熱化開。通口即服下。棉被蓋卧。待其出汗為要。服後如無汗。再用葱白湯催之。汗必到。待其出透自乾。不可冒風。患者自然爽快。其病亦減。至癰疽未成者。隨即消去。已成者。隨即高腫潰膿。倘患諸疾。無分表症相兼。不必發散者。竟用陳酒化服。

此丹發散瘡毒甚捷。能治腫瘍甚效者何也。凡毒初起。因榮衛不調。氣血凝滯。乃生癰疽。觀此藥性專發散。又能順氣搜風。通行經絡。所謂結者開之。况瘡毒乃日積月累。結聚所發。苟非用甘辛溫熱。發汗開提。通行經絡。安能得效。

此丹服後宜避風。忌食發物多飲粥。孕婦忌服。忌房事。

○○○小金丹

專治一應痰核癰瘰乳巖橫痃流疔等症。

白膠香

即芸香油淨磨粉壹兩五錢

草烏

製淨壹兩五錢

五靈脂

研末酒飛日乾壹兩五錢

地龍

製淨壹兩五錢

木鼈

製淨壹兩五錢

沒藥

柒錢五分

製乳香

柒錢五分

麝香參錢 墨炭壹錢二分

和入諸末。搗干槌為丸。如芡實大。此一料約為二百五十九。晒乾。忌烘。固藏。臨用。取一九布包。放平石上。隔布敲細。入盃內。取好酒幾匙。浸藥用。小盃合蓋。約浸一二時。以銀物加研。熟陳酒送服。醉蓋取汗。如一應症候。初起服消乃止。孩兒不能服煎劑及丸子者。服之甚妙。如流症等症。成功將潰。潰久者當以十九作五日早晚服。服則以杜流走。患不增。出但丹內有五靈脂與人參相反。不可與有參之藥。同日而服。

製藥法

草烏

有烈毒。去皮。取白肉。每兩用菜豆半升。同煮。豆開。花去。豆取烏。切磨。粉。留黑皮。炙研。醋拌。調。治。髮。癩。

地龍

花。藥。鋪。有。賣。破。腹。去。泥。以。酒。洗。晒。乾。每。四。兩。配。糯。米。

木鱉

水。浸。半。月。入。鍋。煮。數。滾。再。浸。透。為。度。去。椒。米。磨。粉。入。香。油。鍋。中。煮。至。油。沫。盡。再。煮。百。滾。透。心。黑。脆。以。去。皮。心。

青龍丸

一名金龍丸。此方係龍門全真朱來徹鍊師傳。

治一切疔瘡腫毒。并跌仆閃胸傷筋。攣痛貼骨癰疽。兼治男婦大小頸項瘰。

癩。及乳串結核痰氣凝滯。硬塊成毒。小兒痘後發癰等症。

馬前子 即番木藍製法照小金丹式 四兩 山甲片 炒黃色為度 壹兩貳錢 白殭蠶 炒斷絲研

末 壹兩貳錢 右共為末。以黃米飯搗勻為丸。如梧子大。每服五分。量人

虛實酌減。臨睡時。按部位用引經藥煎湯送下。蓋暖睡。勿冒風。如若冒風。

覺周身麻木抽掣。甚則發抖。不必驚慌。過片刻即安。毒初起者一二服即

消散。已成膿者服此自能出毒。不必咬頭開刀。誠外科家第一妙方也。

外加煎引

頭面 羌活川芎 各五分 肩背 角刺尖 五分 兩臂 桂枝牛膝 五分 胸腹 枳殼桔 五

分 兩肋 柴胡 五分 腰間 杜仲 五分 兩足 膝木瓜 各五分 咽喉 梗

甘 各五分 跌仆 攣筋紅當歸 各五分 酒煎

老年覺氣血衰者。此丸止服四分。

婦人新產半月以內者。止服四分。如過滿月者服五分。男婦瘰癧痰毒夏枯

草湯服。或酒亦可。

小兒週歲以內者服九粒。週歲以外者服拾壹粒。三歲者服拾五粒。四五歲

者服拾九粒五六歲者服廿一粒八九歲者服廿三粒十歲以上者服三分拾五歲以上者服四分二十歲者照大人服法如小兒不能吞送以開水或甜酒調化送下。

○救生丹程研香先生傳

人已厥去不醒手足已硬急將此丹少許浮於冷茶或溫茶溫水從容灌入提痰外出俾得醒回厥解是名救生。

麝香 六分 犀黃 四厘 冰片 六分 礪砂 二錢 真珍珠 三厘 真金箔 二張 雄精

參錢 辰砂 參錢 水安息 四分 右藥共研極細無聲磁瓶收藏幸勿泄氣

○遇仙丹 即走方鼎竄之一

治邪熱上攻痰涎壅盛番胃吐食十隔五噎齁喘酒積蟲蠱積血積氣塊諸般痞疾疼熱腫或大小便不利或婦人女子面色萎黃兒腹癥瘕食吞銅鐵銀物之類悉皆治之五更時用冷茶送下三錢天明看所下之物此藥有病去病有虫去虫不傷元氣不損臟腑功效不能盡述小兒減半孕婦忌服珍之寶之

白丑炒令半生取 白欖榔五錢 鈴兒茵陳五錢 蓬莪朮五錢 京三稜五錢

猪牙皂去皮弦 右依法製末和勻以醋和糊丸如菜豆大依前法之數

服之若大便秘行過之後隨以溫粥啖之忌食他物歌曰鼎竄奇方本遇仙

庸醫不識妄評言有緣得遇神丹服手到擒拿病立痊

靈應必消散

治一切痰核無名腫毒未成者搽於膏上貼之立即內消

草烏五錢 川烏五錢 白芷五錢 花椒壹錢 山柰三錢 麝香四分 貝母三錢

大黃三錢 蟾酥壹錢 右藥各研細末和勻再研極細磁瓶收貯

此方加伏薑乾末四錢治小兒頸上寒痰核最妙

上上龍虎如意丹

專治癰疽發背對口腦疽無名腫毒濕痰流注附骨陰疽一切惡症誠外科

之砥柱拔毒除腐之聖藥也

紅硃砂參錢 漂硃砂四錢 當門麝壹錢 明雄精四錢 大梅片二錢 杜蟾

酥五錢 白降丹二錢 五倍子四錢 元參參錢 乳香四錢 雌黃四錢 沒

藥四錢前胡參錢胆礬參錢輕粉五錢寒水石參錢明礬三錢紫草五錢

右藥各研細末。配準分兩。選擇吉日。虔誠修合。和勻再研極細末。收貯磁

瓶藏好。幸勿洩氣為要。

○○○ 八將擒王散

治癰疽大毒。拔膿去腐生肌。誠瘍科妙丹也。

川五倍壹兩六錢明雄黃三錢水飛蜈蚣七條去鉗脚全蝎十個漂淨去

麝香五分冰片五分川山甲七片災淨二錢 蟬退念個去頭足右藥各研

細末。稱準和勻。再研極細末。收貯磁瓶備用。

○○○ 牙消散

治發背如神。其秘方也。

狗大牙炒焦黑。研為末。將葱煎湯洗瘡。用炒牙末搽上。

○○○ 不二散 一法用不二散裝入青殼鴨蛋內。將患指浸在蛋內。更覺神妙。

治手足患毒橫紋區處。并蛇頭眼腹等症。拔毒去腐如神。幸勿泛視。

杜蜈蚣捌錢雄精四錢右藥二味。共研細末。臨用看症輕重酌量。

同雄豬膽汁調和敷患上。或生指頭。將藥入豬胆套在指上。如乾加胆汁。不二散。立刻止痛。套三四次即潰。潰後摻前藥膏。蓋即拔膿去腐。再上生肌。桃花八寶散收功。

忌開刀。開即翻花綿延難愈。灸即痛苦異常。萬勿用升降拔提之藥。倘誤用致橫肉吊空腫脹。寶難收口。此醫治失宜。反增痛苦耳。慎之慎之。初起用飛龍奪命丹一二服。汗之。汗之未愈。內宜服仙方活命飲。外用不二散。此係余應手治法也。

○○○ 桃花散

附八寶生肌散

治癰疽諸瘡已潰。大毒爛肉拔出。餘腐未盡。新肉將生之際。用之拔毒生肌。長肉神效異常。幸勿泛視。

蘆甘石

陸錢製

熟石膏

八錢

漂東丹

二錢

龍骨

三錢

煨研漂淨

輕粉

二錢

鉛粉

二錢

錢二

白蠟

六錢

寒水石

六錢

漂淨冰片

壹錢

紅升丹

二錢

陳而頂高者

右藥各研細末和

勻。再研極細。收貯磁瓶備用。

此方除冰片升丹名八寶生肌散。

生肌收口極妙。

○。黃靈丹

專治下部濕熱。黃水手叉脚了諸瘡極妙。

金陀僧 三兩

輕粉 壹錢

麝香 三分

冰片 三分

共研極細末。磁瓶

收貯。

患孔毒根治法

爛孔有惡肉凸起。名曰毒根。往往有用降藥爛去者。此乃殺之欲速也。獨不知弱體豈可增痛。况爛去仍又長出。安可再爛耶。余家之平安餅。常貼毒根。一日一易。輕者二三日。重者六七日。不癢不疼。毒根自落。貼餅時日服托毒散。俟毒根落後。當服保元四物。收功。

平安餅

烏梅肉一錢。輕粉五分。研和。不見粉亮為度。如硬用津少許。不可用水。研至成膏。照患口大小作薄餅幾個。以貼毒根。外用膏掩。立即應效。

黑龍丹

一名收斂散
附治脫肛方

治一切惡瘡怪毒。或生於橫肉筋窠之間。因擠膿用力太過。以致筋肉突出。

如梅如粟翻花紅赤久不縮入。此乃損傷氣脈使然。嘗見瘍科不明其義。輒以
降蝕腐化。但腐去其小者復又突出。大者屢蝕屢突。經年累月。終不全愈。用
此方立可奏捷。

大熟地

切片烘
乾炒枯

烏梅肉

炒炭

右以枯熟地末壹兩。配烏梅炭叁錢。共

研勻碾極細。搽膏藥上。貼之不過三五日。其肉收進。用生肌散收口即
愈。凡陰虛腎氣不足之人。或患脫肛諸藥不效。用此丹以防風各一錢。
煎湯調搽。立即收上。再服補腎煎劑。後不再發。予親試神應。故并錄之。

如意金黃散

加秋芙蓉花葉根細末五兩

治癰疽發背。諸般疔腫。跌撲損傷。濕痰流毒。大頭時腫。漆瘡火丹。風熱天泡。
肌膚赤腫。乾濕脚氣。婦女乳癰。小兒丹毒。凡一切頑惡熱瘡。無不應效。誠瘡
科之要藥也。

天南星

四兩

廣陳皮

四兩

蒼朮

四兩

黃蘗

拾兩

薑黃

拾兩

草

四兩

白芷

拾兩

厚朴

四兩

大黃

拾兩

上白天花粉

二十兩

右十味。共為咀片。晒乾磨三次。用細絹羅篩。貯磁罐。勿泄氣。

凡遇紅赤腫痛發熱未成膿者。及夏月時。俱用茶清同蜜調敷。如欲作膿者。用葱湯同蜜調敷。如漫腫無頭。皮色不變。濕痰流毒。附骨陰疽。鶴膝風等症。俱用葱酒煎調敷。如風熱所生。皮膚亢熱。色亮遊走不定。俱用蜜水調敷。如天泡火丹。赤遊丹。黃水漆瘡。惡血攻注等症。俱用大藍根葉搗汁調敷。加蜜亦可。湯潑火燒。皮膚破爛。麻油調敷。已上諸引調法。乃別寒熱溫涼之治法也。

○○○冲和膏

治癰疽發背。陰陽不和。冷熱相凝者。宜用此膏敷之。能行氣疎風。活血定痛。散瘀消腫。祛冷軟堅。誠良藥也。

紫荆皮

炒五兩

獨活

三兩

白芷

三兩

赤芍

炒二兩

石菖蒲

壹兩五錢

右五味。共為細末。葱湯熱酒。俱可調敷。

回陽玉龍膏

治癰疽陰瘡。不發熱。不響痛。不腫高。不作膿。及寒熱流注。冷痛痺風。脚氣。手足頑麻。筋骨疼痛。及一切皮色不變。漫腫無頭。鶴膝風等症。但無肌熱者。一

貼後起泡出水。此病氣本深，盡為藥力拔出，吉兆也。不必疑懼，記之。記之。

藿香 檀香 白斂 生地 秦艽 白芨 殭蠶 白芷 苦參

細辛 丁香 肉桂 木香 蜂房 烏藥 貝母 防風 蟬退

全蝎 獨活 枳殼 鼈甲 蘇木 連翹 荆芥 紅花 杏仁

桃仁 續斷 蒼朮 牛膝 川烏 牙皂 麻黃 附子 半夏

甘草 羌活 桂枝 赤芍 元參 南星 艾絨 川芎 草烏

藁本 黃芩 香附 當歸尾 五加皮 大楓子 海桐皮 蘿蔔子

白蘚皮 高良薑 威靈仙 金銀花 紫荊皮 骨碎補 海風藤

生山梔 草麻子 以上六十二味各壹兩五錢

大黃 叁兩 蛇脫 五條 蜈蚣 三十條 男人血餘 叁兩

柳枝 棟枝 榆枝 桑枝 楮枝 以上各三十五寸 槐枝 桃枝

松香 壹百兩 椴皮 百兩 淨百草霜 拾兩 研過

冬浸九宿。春秋七宿。分數次入鍋。文武火熬。以藥枯油黑。滴水成珠為度。

濾去渣。重稱。每藥油拾二兩。下濾淨片子。松香四兩。同熬。至滴水不散。每

鍋下百草霜細末六兩。勿住手攪。俟火候成。則傾入水缸中。以棒攪和成塊。用兩人扯拔數次。磁鉢收貯。

治一切風寒濕氣襍症。其效如神。

一法。治瘍科癰疽發背等症。照前藥料。除去松香百草霜二味。加鮮五爪

龍藤五觔。此籐疏通經絡。熬成淨油壹觔。酌加水飛炒乾。緯丹五六兩。

收成膏。

此膏統治外症。未成者貼之內消。已成潰穿者拔毒去腐。膿淨長肉收功。

極至應效。

治濕毒諸瘡。如鼓應桴。

○ ○ ○ 大紅硃砂膏

治疔瘡癰毒對口發背。一切無名惡毒。貼之應驗如神。

松香四兩 蔥汁兩 製麝香三分 冰片三分 樟腦壹兩 草麻霜壹兩 漂

硃砂八錢 製乳香壹錢 製沒藥壹錢 右藥稱準。共研細末。放入磁

器大蓋碗內。用參皮紙封糊其口。隔水燉煉三炷香為度。調勻不可見火。

用時隔水燉化 一方加巴豆霜二錢

腦砂巴膏

此膏貼一切癰疽發背惡瘡化腐生肌甚效

象皮 陸錢 穿山甲 陸錢 山梔子 捌拾個 人頭髮 壹兩 血竭 壹錢

極細末 兒茶 二錢 另研極細末 硃砂 叁錢 另研極細末 黃丹 飛 香油 桑槐桃柳

杏枝 各五十寸 右將桑槐桃柳杏五枝用香油四觔將五枝煤枯撈出

次入象皮穿山甲人頭髮煤化再入山梔子煤枯用絹將藥渣濾去將油

復入鍋內煎滾離火少頃每油一觔入黃丹六兩攪勻用慢火熬至滴水

中成珠將鍋取起再入血竭兒茶硃砂等藥末攪融用涼水一盆將膏藥

傾入水內用手扯藥千餘遍換水數次拔去火氣磁罐收貯用時不宜見

火須以銀杓盛之重湯炖化薄紙攤貼

咬頭膏

銅青 松香 乳香 沒藥 杏仁 生木鱉粉 草麻仁 以上等分

芭豆 不去油加倍搗成膏 再搗勻臨用取菜豆大一粒放患頂用膏掩

潰即揭下。洗淨換膏貼。忌胎前產後慎之。

神效干槌膏

專貼瘡瘍疔毒初起。貼之即消。治療癰。連根拔出。大人膝瘡。小兒螻拱頭等證。並效。

土木鼈五個去殼

銅綠壹錢研細

白嫩松香四兩製淨

單麻子柒錢去殼

巴豆肉五粒

杏仁壹錢去皮

製乳香二錢

製沒藥二錢

右八味合一處入石臼內搗

三千餘下。即成膏。取起浸涼水中。用時隨瘡大小。用手捻成薄片。貼瘡上用絹蓋之。

五苔頭草膏

治頸癭痰核未破者貼之即消。不必再換。如已經潰穿者。貼之其核自出。靈應無比。

雄黃二錢

血竭壹錢

麝香四分

冰片壹錢

白信二分

乾姜壹錢

川烏壹錢

草烏壹錢

共研細末。收貯磁瓶備用。

五苔頭鮮草叁兩 二 三月中收採陰乾

月府... 一角... 煎入油... 取出渣... 入草再熬... 去枯渣... 將油入
鍋再熬至滴水成珠。酌量加炒過緯丹收成膏。臨用時再上前合末藥。
○○ 生肌玉紅膏

治癰疽發背。諸般潰爛。棒毒等瘡。用在已潰流膿時。先用甘草湯。甚者用猪
蹄湯淋洗患上。軟絹挹淨。用抵擲挑膏於掌中。搽化遍搽新肉上。外以太乙
膏蓋之。大毒洗換二次。內兼服大補氣血之藥。新肉即生。瘡口自斂。此外科
收斂藥中之神品也。

當歸 二兩

白芷 五錢

白蠟 二兩

輕粉 四錢

甘草 壹兩
二錢

紫草 二錢

瓜兒血竭 四錢

麻油 壹觔

右將當歸白芷紫草甘草四味入油內浸

三日。大杓內慢火熬微枯色細絹濾清。將油復入杓內煎滾入血竭化盡

次下白蠟微火亦化。用茶鐘四個預放水中。將膏分作四處傾入鐘內候

片時方下研極細輕粉各投一錢攪勻候至一日夜用之極效。

○○ 奪命紅棗丹

附方一

喘治喉風痺。雙單乳蛾等症。屢試屢驗。誠仙方也。陰虛孕婦忌用。

當門麝 壹錢

梅花片 壹錢

杜蟾酥 壹錢

火晒研不見

巴豆霜 壹錢

去油淨

月石 三分淨末

山豆根 五分淨末

老姜粉

三分粉晒乾淨末

用汁澄

右藥照方揀選道

地。研細秤準。合勻收貯磁瓶。臨用時用小紅棗一枚切蒂去核外皮。幸勿

損傷。入藥黃豆大許。將棗摘蒂一頭塞入鼻孔。即閉口目避風。稍頃得嚏

喉漸通快。如出膿。以銀花甘草漱之。病甚者再換壹棗必效。

凡治喉症。男左女右。若左蛾塞左。右蛾塞右。雙蛾更換塞之。塞藥必得一

過時拔出為妙。否則誤事。慎之。

此藥能度製施送者。獲福無涯矣。

或鮮發魚葷青菜辛辣等物。愈後忌七日為要。不忌恐復發難治。慎之。

外又附存簡便方亦效如神。

鮮艾根 莖葉連用洗去泥。搗爛取汁。隔水燉熟。多服數鐘。以好為度。但此藥

春冬難得。莫妙修合前方急救可耳。

萬應喉中散

喘治喉痺纏喉風雙單乳蛾喉癰喉瘡陰虛咽痛等症。吹之效如仙丹。屢試

上犀黃 壹錢 透甲者真

滴乳石 五錢 研淨末

真珍珠 壹錢 大者 無油為妙

劈辰砂 壹錢 漂淨末

燈草炭 叁錢 陳者更佳

兒茶 五錢

大梅片 壹錢

香白芷 二錢 生晒研淨末

片黃柏 叁錢 生晒研淨末

蘇薄荷 叁錢 生晒研淨末

甘草 叁錢 生晒研淨

青黛 叁錢 去石灰淨末

上血竭 叁錢

各研細末。照藥秤準分兩。和勻再研極細無聲。磁瓶收貯

藏好。勿令泄氣。戒口為要。

咽喉良方

端治爛喉痧症。應效如神。

真犀黃 五厘

人指甲 五厘 黃男女互用

青黛 六分

上梅片 二厘

壁喜窠 廿個 上者反 要在牆頭

真珍珠 二分 入莖 腐內煮研粉

象牙屑 三分 反上焙黃

共研極細末。收貯磁瓶備用。

三妙散

端治咽喉一切疼痛并爛喉痧症。

生明礬 三錢

冰片 五分

白茄子梗根 反上 煨炭 存性 壹兩

共研細末。磁瓶收貯。

獨勝散

治爛喉痧。纏喉風。鎖喉風。雙單乳蛾等症。

土牛膝

即新鮮杜牛膝再加臭花娘根能除結熱舌吐毒疾專治喉症牙關緊閉不省人事吐之即甦

選粗者兩許。勿經

水勿犯鐵器

折斷搗自然汁。加米醋少許。蘸雞翅毛上。頻攪喉中。取出毒

涎。以通其氣。然後吹入。應用之藥自愈。如牙關緊閉。蘸於兩腮之上。亦能自開。或灌鼻內得吐為妙。此法開關取痰甚捷。

點喉神效法

凡喉間腫痛。或潰爛出血。大發寒熱等症。用井花水四碗。入剔牙松鬚一握。煎至三碗。用人中白三錢。研細。每碗入一錢。調勻。能飲者飲之。不能飲者。取匙漸滴患處立愈。不論喉間何毒。已未成者。點之即效。仙方也。

治喉珠驗方

用柚子樹根。洗淨搗汁。含口內約熱即吐出再含。以珠落出。立即全愈。

通音煎

治音啞喉癰妙藥。

黃蠟

拾兩 刮取粗片

百草霜

五兩 再研至無聲為度 研細過絹篩

明乳香

參兩 去油 研極細末

蘇油

六兩

選吉日淨室焚香齋戒虔誠修合。

忌婦人雞犬及孝服人見。用桑柴火先將麻油入鍋煎滾。次下松香候稍滾。三下白蠟候稍滾。四下黃蠟候稍滾。五下乳香候稍滾。六下沒藥候稍滾。七下銅綠候稍滾。八下百草霜滾過數次。於鍋內冷透搓成條子。丸如桂元核大。藏淨磁器內。臨用時以一丸呵軟。捻扁貼患處。頃刻止痛。次日腫消即愈。已走黃者貼之亦無不霍然。神速之效。百發百中。疔瘡藥之至寶也。此方活人甚多。是當廣為傳揚。貼後 忌食葷腥辛辣沸湯大熱食生冷發物麪食豆腐茄子黃瓜酒。 忌水洗。 忌腦怒憂悶。 大忌房事。

製松香法

用桑柴灰煎汁澄清。入松香煮爛。取出納冷水中。少時再納灰水中。煮以色白如玉為度。

取百草霜法

先須刮淨鍋底。專燒茅柴百草取烟煤用。如以別種柴烟煤

用入則不驗。

疔瘡走黃

治癭瘤神效良法 吳靜波傳

每於夏秋間採曠野樹上花脚肥蜘蛛絲不拘多少採來如絹線之樣轉在竹板之上收貯倘遇一切癭瘤如龍眼如毫桃大者即用蜘蛛絲扣在癭瘤根脚之上扎緊扣結旬日自落并無痛苦真良法也

消癭丸

瘰癧頸上痰瘰癧串也此肝火鬱結而成兼服加味道遙散此方奇效治愈者不可勝計

元參 晒研末 飯上蒸

牡蠣 煨醋碎

貝母 去心蒸 各四兩

共為末煉蜜為丸每服三

錢開水下日二服

蹲鴟丸

治男女大小頸項頰下耳之前後結核壘塊連珠瘰串不疼不痛或破微疼皮赤潰爛久不收口年近者一料收功年遠者服兩料無不全愈

真香梗芋芳

拾取去皮者慎勿烘炒竹刀切片晒極燥

右磨為粉以開水泛丸早晚每服

三錢甜酒送下。如不吃酒。老米湯送下。或吃燥片。酒過亦可。此法不用膏丹別藥。予屢用輒效。勿以價廉輕視。若將此方傳授貧人。功莫大焉。此方并治喉癰亦效。

治療癰良方

用白玉簪花葉。霜打過二三次。採取三觔。搗爛。入頭醋三四觔。浸七日。熬成膏。敷之。其核自出。有膿即消。

○。○。治產疹痘風眼神妙靈藥

附方四

潭州趙太尉。母病爛弦疳眼。即產風眼。廿餘年。百藥醫治不效。有一老嫗云。

此中有虫。吾當採藥除之。入山取草蔓葉。咀嚼留汁。入筒中。還以皂紗蒙眼。滴汁漬下弦。轉盼間。虫從紗上出。數日下弦乾。復如法滴上弦。又得虫。數日而愈。後又治疹風痘眼。靈應如響。乃覆盆子葉。即徽俗山菓夢葉。

又治牙痛點眼法。用嫩葉搗汁點眼。皆三四次。有虫隨眵淚出成塊。無新葉乾者煎濃汁亦可。

收藏之法。候有鮮葉時。雇人入山採取。不拘多少。將葉洗淨。吹乾水氣。島十

用時將人乳或白蜜化開。搽患上極妙。又治腫瘡潰爛。用葉為末。先酸漿水洗後搽之。日一次以愈為度。長髮不落。用覆盆子榨汁日塗之。

痘後目翳。取根洗搗。澄粉日乾。蜜和少許。點于翳丁上。日二三次自散。百日內治之。久即難瘳。

七鍼丹眼藥方 八求書舍原刊

白菊花 三錢

花椒 三錢

青鹽 二錢五分

銅綠 二錢五分

膽礬 三錢五分

烏梅 壹個去核

新花鍼 柒枚用絹線穿好

前藥六味。研碎。用淨水一

飯碗拌勻。盛入深碗內。鍼放藥下。再加水兩碗。線頭露出碗沿。用大盤蓋好。隔水放鍋內蓋好。煮六個時辰。木炭火旺。不失候時刻添水。鍼化丹成。用淨絹擠去藥渣。磁瓶裝好。放陰地一天。即可取用。此藥永遠不壞。每用少許。搽眼外。眶內眼角。少閉片時。立刻見功。隨州陳茂才樂善好施。年六十。雙目成瞽。忽來一客。傳此方而去。陳製藥試之。光明日見。未及半載。雙

目復明。後遇有目疾者。治之無不神效。遂刻以公諸世云。

按此方虔誠修製。鍼化丹成。始能取驗。如煮至六時。鍼有不化。不可用。須另煎。

。眼珠生翳膜外障仙方 潘德新行施送

用雄雞 烏骨雞更好 肚中一紅色胆 如桃式一名化骨非苦胆也

烏梅 三個 杏仁 茶個 川椒 二錢 砂仁 壹錢

古銅錢 壹錢 新綉花針 三枚 將各物入磁瓶內。以水二茶杯浸之。其

水夏用涼。春秋用溫。冬用開水。將瓶封固。浸七日。以針化為度。每日將藥水洗之。次日翳膜自退。不論年深日近。一切外障目疾。立效如神。

。治眼流注良法 黃介堂傳

偷鍼眼。或上眼胞。或下眼胞。紅腫疼痛。左眼好而右眼又發。纏綿不愈。醫藥無效。故名流注。

每日清晨。用食鹽擦牙齒後。將鹽水吐出。洗眼。久則自神效之至。

偷鍼眼

用生南星。生地黃。各等分。同研成膏。貼兩太陽穴。腫自能消。

一法治眼圍邊生胞用南星醋磨搽或紅茶磨亦可時時搽之數日即愈

眼腔成漏

凡眼下空處生痴出膿流水不乾日久成漏諸藥不應者以柿餅去皮取肉搗爛塗之十日全愈

治眼中起星

附方二

頂高丁香

二分研末

黑棗

壹枚去皮核

同搗為丸蚕豆大如星在左目塞右鼻

在右塞左鼻自清晨塞至夜星斗上時去之如未退淨次日再用前法

又法 葶藶搗汁洒紙上既燥刮點自效

小兒目中生痘黑狗耳上刺血點效 象牙磨汁點效 先嚼牛蒡子貼顙

門痘不入目矣

眼中翳肉

蛇退一條以麻油炒黃色勿使焦黑加菜豆三合炒以水一椀沙糖一椀煎七分食遠服立退二三年者兩服即愈

目惹沙泥

腫痛欲瞎。諸藥不應。有一道人見而傳法。治之用頂粗牛膝一段。約二寸長。安患者口內。令自嚼爛如泥。吐出搓丸。塞于兩眼角。其淚流必多。少刻泥沙裏藥盡出。其目隨愈。蓋左眼以牛膝口內右嚼。若右眼左嚼。此亦奇應。

飛絲入目

石菖蒲搗碎。左目塞右鼻。右目塞左鼻。百發百中。

草靈丹

附方二

鵝兒不食草。

採取陰乾。晒燥研末收貯。一名地胡椒。

一治鼻淵。此症因膽經之熱。移於腦髓。外因風寒凝鬱。火邪而成。鼻竅中時流黃色濁涕。用鮮草塞鼻。立刻應效。

一治鼻淵久而不愈。鼻中淋漓腥穢血水。頭眩虛暈而痛者。必蟲蝕腦也。名控腦砂。用鮮草塞鼻數次立愈。久則必虛。宜內服補中益氣湯。方能痊愈。附方。用絲瓜藤近根三五尺許。燒炭存性。酒調服之極驗。

一治鼻紅。用嫩草頭陰乾。研細末。薄漿為丸。梧子大。黑山梔極細末為衣。塞鼻立止。

一治眼目生翳取末搗鼻塞耳去翳神藥也

一治頭風疼痛用鮮草塞鼻甚妙

一治感受風寒暑濕以致頭痛脹悶鼻竅不通胸膈不舒用末搗鼻即刻氣

通噎淚交流神清氣爽功同痧藥冬季用之更妙

鼻衄不止

倘鼻血大湧不止用白茅花五錢煎湯頻服即止

取本人鼻血以紙撚上蘸血點眼角內看血從鼻左孔出者點右眼從右孔出者點左眼如左右齊出者兩眼俱點此法大妙如七情五志之火奔越而出者仍忝脈症服藥治

一法用井中泥或苔蘚貼額門立止

一法以大蒜搗爛塗兩足心立止

一法以鹽湯溫之浸兩足即止

諸般耳聾

名聰耳丸

以北細辛末一錢將黃蠟溶化為丸如棗核大以綿裹塞耳一二次即愈戒惱怒歌曰耳聾重聽不聞言研爛細辛蠟做丸綿裹塞耳棗核大不覺聞

集馬良方
卷一
聲便復元。

○○○牙疼灸法

以獨蒜一個。如無用蒜瓣。輕粉五分。同搗禽寸關脈後。其法以兩手虎口交叉。在大指盡處是穴。用蜆殼蓋好紮住。男左女右。少頃微覺其辣。即便揭去。隨起一泡。立時痛止。終身不發。曩者年中丞弱冠時。患此每發一次。號呼累日。飲食不進。齒亦蛀壞。有喇嗎僧寶如投此方用之。數十年不發。真神方也。

○○○牙齒痛驗方

汪惺齋傳

醃鯽魚頭

壹個瓦上灸炭存性研極細末

冰片 五厘

共研極細末。搽牙齒上數次即

愈。

○○○赤霜散

治走馬牙疳。延爛穿腮。不堪危險之症。

大紅棗一枚。去核入紅砒如黃豆一粒。紮好放炭火。瓦上灸。至棗炭上起白色烟盡為度。取以蓋熄。候冷加入冰片一分。研吹效速如神。久爛之孔生肌亦速。

一法用白馬前蹄修下脚皮炙炭存性為末入水片少許吹患處立愈

○○○萬應乳症內消丸 加福珍橘一隻同酒煎服其效更捷

專治乳癰乳疽乳中結核內外吹乳腫脹等症真乳症之至寶丹也修合濟人功莫大焉。

鮮石首魚脊翅 五拾兩 炙研淨末 小青皮 壹百兩 晒脆磨末 右藥二味共和篩勻用

米飲湯泛丸如梧子大磁瓶收貯每服三錢葱白頭 大一個 小五個 陳酒送下酒

隨量飲醉臥蓋被出汗即愈避風為要

初起未成者一服即消已成者服之內消外潰倘未潰一連三服無不潰者

如已潰服之內消餘毒腫塊症重者外用龍虎丹輕者擒王散搽之拔毒去

腐再用萬全膏蓋貼體虛者內服參芪補托氣血之劑自然膿腐易去新肉

漸生即用桃花散八寶丹長肉收功

思婦人乳哺小兒偶生此症大人痛而悲愁小兒少霎啼哭實係最苦之

事有此靈丹惟願信而早服服下立即消散治一保二豈非快事也哉

積乳成癰良方

土牛膝根酒煎服。

○○○妙應癬藥酒

此證總由風熱濕邪。侵襲皮膚。鬱久風盛。則化為蟲。是以搔癢之無休也。其名有六。一曰乾癬。搔癢。則起白屑。索然彫枯。二曰濕癬。搔癢。則出黏汁。浸淫如蟲行。三曰風癬。即年久不愈之頑癬也。搔則痺頑。不知痛癢。四曰牛皮癬。狀如牛領之皮。厚而且堅。五曰松風癬。狀如蒼松之皮。紅白斑點相連。時時作癢。六曰刀癬。輪郭全無。縱橫不定。總以殺蟲。漂濕。消毒之藥敷之。今用此藥酒。統治諸癬。癬愈之後。又不變生他症。真治癬之靈藥也。

土槿皮 二兩

白芨 壹兩

檳榔 壹兩

白芷 壹兩

班蝥 四拾枚

白信 四兩

伏龍肝 四兩

用高粱酒三觔。或頂香糟燒。并藥入磁瓶內。

封固。浸七日可用。臨時取一二兩。另裝小磁瓶中。以筆掃塗患上。日三次。如塗後腫痛起泡。係藥力猛多搽之故。不必疑懼。加新鮮香糟火酒少許。和之則平矣。

治一切濕瘡方

蘇州尚衣使者綺園文公祥原刊

少許同煨
以枯為度

右藥同研細末。用麻油調搽患處。

凡小兒胎瘡禿瘡。并男女一應濕瘡。敷上即效。

此方先君子得自異傳。虔誠修合。施送四拾餘年。百試百驗。至今依舊施送。以承先訓云爾。

瘡症擦摩膏

用廣中番打馬并包吃檳榔的蘆葉二物各五錢。研為末。瘡初起將藥末擦摩手心脚心。須不住擦之。三五日後自消。妙不可言。

治千日瘡神法

千日瘡者。發無定處。頭面手足。皆生。有根開花。去之又生。綿延不斷。人患此疾。雖無痛苦。心常鬱鬱不樂。必遇不如意之事。俗名晦氣瘡。即此也。

用大蜘蛛絲。採下收如線樣。再將瘡頂提高。用絲線捆住根脚。三五日即落下除根。永不再發。神妙之極。

一法。用苦參子數粒。去壳衣搗爛如泥。敷患上數日。即斷根。永不復發。妙極。

○ ○ 瘡肥瘡應驗良方

治白頭黃水肥瘡。小兒赤遊丹毒諸瘡不收口者。

川椒二錢 焙研末

雄黃三錢 研末

用雞蛋五枚。煮熟去白用黃。在鐵杓內炒至

黑膏樣。方有油熬出。退火三日。同前二藥調勻。用鴨毛搽患處。即愈。

○ ○ 臘梨瘡

兼治黃水瘡

苦參研末

松香等分 研末

右藥共研細末。先用紙包藥。捲如筆管式。紮緊。

外加舊捫青布包捫好。浸菜油內一宿。取出鉗好捲子。燈盞上燒。將淨鐘放盞下。受滴下之油。退火氣。與雞蛋油拌勻。先將瘡上抓去瘡蓋。再將此藥油。搽上數次。即愈。取雞蛋油法。將雞蛋不拘多少。煮熟。去白用黃。入鍋內。炒至黑色。方有油熬出。退火備用。

○ ○ 天泡瘡方

黃介堂傳

用蚕豆莢殼炙灰。菜油調搽。或用蓮蓬殼灰井水調敷。俱效。

除濕清熱散

內治燕窩瘡。羊鬍瘡。神妙。

白木壹錢

蒼朮壹錢

茯苓二錢

豬苓壹錢

天花粉壹錢五分

蒲公英二錢

白芷五分

羌活五分

澤瀉壹錢

炙甘草壹錢

右藥水煎服。

燕窩瘡

此瘡生於腦後項之窩。乃足太陽兼督脈之經也。

烟膠壹兩

燕窩泥叁錢

輕粉壹錢

枯礬五分

共研細末。熱油調

搽患處神效。

○羊鬚瘡 二

此瘡生於下唇下巴骨之處。乃任脈之經也。

山羊鬚鬚

瓦上灸炭

不拘多少。灸脆收貯。臨用研末。濕則乾搽。乾則麻油

調敷立愈。

附方諸藥不效者。以舊棉絮胎燒灰。麻油調搽立愈。

神異丹

外治燕窩羊鬚瘡最妙。

輕粉 壹錢

兒茶 叁錢

黃丹 二錢

黃柏 叁錢
炒

枯礬 五分

冰片 叁分

各為細末研勻。濕則乾搽。乾則麻油調敷。數日即愈。

○ ○ 凍瘡治法

白蘿蔔搗碎。白酒脚全煎。揉洗至透。抹乾。破處取金毛狗脊上金毛。罨扎自愈。

洗凍瘡法

黃柏皮硝各等分。研細末。已破者柏七硝三。未破紅腫者。柏硝各半。初起者硝七柏三。皆用冷水調搽。俟乾以熱水洗去再搽。如此三次。一日定痛。三日全愈神效。

凍瘡潰爛

以蚶子殼。即反楞子。煨研極細。以麻油調搽。如濕處燥搽。數日全愈。此秘方也。

○ ○ 流火治法

患生小腿。紅腫熱痛。不潰不爛。世之醫家。惟以刀鑱血出。或以鱈魚血塗。總

無全愈之日。時常發作。復鎌復塗而已。余家秘治。法以礬灰化於缸水內。次日水面上定結一層如薄水者。取起。以桐油對調膩厚。每日拂上二三次。三四日全愈。後不復發。醫時。忌食猪肉。

○ ○ 濕風瘡

專治脚腿。濕風痛癢。破流黃水等瘡。

蚯蚓糞壹兩

下者為丸。非菜地。紅。

白芷五錢

甘草二錢

黃柏三錢

明礬三錢

烟膠五錢

各藥共研細末。桐油調敷患上。如濕乾搽即愈。

○ ○ 多年膝瘡方

鹽蹄剔下脚皮。或舊爛鞋底牛皮俱可。各煨存性。以麻油調搽。濕處燥搽即愈。神驗之極。或人脚下剔落之皮。用之更妙。

○ ○ 白玉膏

附方一

治陳年爛腿膝瘡神效。

製乳香九錢

製沒藥九錢

兒茶九錢

血竭九錢

銅青壹兩

松香壹兩五錢

黃蠟壹兩

白蠟壹兩

鉛粉拾二兩

甘草壹兩

葱姜水製

五錢

煎水

濕瘡 膝瘡

二二

上海宏大善書總發行所

雄猪油 壹酌

先將生甘草煎水。熬猪油去渣。再入末藥和勻。後用鉛粉

收膏。陳久攤貼。

另洗藥方

白附子 三錢

銀花 四錢

白蘚皮 六錢

生甘草 四錢

乾艾葉 三錢

葱白頭 五個

共煎湯。每日薰透。再洗拭乾。

象皮膏

生肌收口并貼膝瘡

象皮 五錢

赤石脂 五錢

龍骨 五錢

黃占 二兩

鉛粉 五錢

白蠟

壹兩 五錢

乳香 三錢

沒藥 三錢

右藥各研細末。先用蠟、月雄猪油

搗兩。熬油去渣。再熬老。入黃白蠟化完。冷定。再入末藥攪勻。臨時隔水燉

化。貼患上即愈。

脚指脫疽

此症發於脚指。漸上至膝。色黑內陷。痛不可忍。逐節脫落。亦有發於手者。用土降房殿研細末。以醋調搽。應手而愈。真神方也。須內服石室秘錄中之驅

濕保脫湯方用

米仁 三兩

茯苓 二兩

桂心 壹錢

白朮 壹兩

車前子 五錢

水煎服一連十劑永無後患。

○ 脚墊傷痛方

人走長路緊急被石塊砂子墊腫脚底不能行走痛不可忍急用舊草鞋底浸尿桶內一夜將新瓦磚一塊燒紅以浸濕草鞋放磚上隨以脚踏上火焮尿氣入內即消如走長路兩脚腫痛亦用此法若不早治恐潰爛難愈或路走多脚底走起紫白水泡疼痛難行急用火煤紙捲一大煤頭用紙煤烟薰泡上薰透立即止痛。

○ 軟脚散

遠行健步倘行遠路者撒少許於鞋內步履輕便不生箴疤足汗皆香。

防風 五錢

白芷 五錢

川芎 二錢五分

細辛 二錢五分

右藥四味共研細末。

磁瓶收貯。

望梅丸

旅行費服。生津止渴。勝於瓊漿。

鹽梅肉 四兩

麥冬 去心 壹兩

薄荷 去梗 壹兩

柿霜 壹兩

白糖霜 四兩

紫蘇葉 去梗 五錢

細茶 壹兩

右藥各研極細末。同梅肉柿糖霜共搗為丸。

雞豆大。旅行帶之。每含一丸。生津止渴。加參壹兩尤妙。

○ ○ ○ 脫肛神效良方

烏梅 拾個

去核炙炭

龍骨 三錢

極細水飛

同研無聲。用醋調敷患上。內服補中

益氣湯。自然其肛立即收上痊愈。

○ ○ ○ 蠶退除漏

辛苦勞碌之輩。忽患腸痔。臟毒愈而頻發。膿水常流。皆因乏力延醫。服藥調治失宜。將成管漏。每日用筴過頭。蠶紙一張。晒燥。用小刀括去蠶空殼。以陰陽瓦煨黃。用好酒送下。連服十張。亦能除根。予傳數人。皆不復發。此方可授貧乏之家。亦是陰功積德。

退管神方

不拘遠近。或一二十年。俱經試驗立愈。

取府宇內陳年廢琉璃底三錢透研末辰砂壹錢人指甲壹錢麩皮

拌炒壹錢五分 蟬退炒研末 乳香製淨末 沒藥製淨末 象牙屑壹錢 麩皮皮

研末八分 枯礬研 右八味末。共和勻。用黃蠟三錢。鎔化入藥。攪勻。乘熱作速。拈

丸。如菜豆大。初服十丸。逐日漸加一丸。加至十六丸以後。不必再加。以無

灰酒送下。如患上身者。加川芎六分。或在下身者。加牛膝六分。如遠年者

服一料全愈。近年者半料收功。忌食葱一百日。

痔漏消管神方

花蜘蛛染紙包好收 推車虫二個 水馬五十隻 在池塘水面上其走

三樣瓦上灸灰存性。加冰片麝香同研細末。敷上。外用膏藥掩之。其管即

爛成膿水。其漏即平。長肉收功。

集驗良方拔萃卷一終

集驗良方拔萃卷二

○○○天中茶

尚治一切感冒。伏暑停食滯而不化。胸膈不寬。氣逆嘔痰。瘧痢等症。每服三錢。水二碗。煎一碗。紅痢加白蜜糖五錢。白痢加赤糖一兩。

厚朴五錢 廣陳皮參錢 山查壹兩 羌活參錢 小青皮 乾葛

防風 烏藥 川烏 枳壳 白芷 茱萸 石菖蒲 甘草 廣木香

勿見火 砂仁 以上各三錢 製香附 廣霍香 茅朮洗米泔水浸

莪朮 檳榔 茯苓 以上各五錢 麥芽 神麩 紫蘇 以上各壹

木通八錢 右藥廿六味。除木香另研入。其餘俱要飲片製過。共合一處。

磨如粗末。五月初四日。夜用白酒。每料一觔。浸藥於磁缸內。端午日。用六

安茶。或紅茶葉。每料二觔半。入藥內拌勻。待至午時。每料加雄黃末三錢

五分。同溫燒酒捌兩。攪勻拌茶內。即於午時炒乾。臨上罈時。再將木香末

拌和。候涼透。再紮好罈口。勿令洩氣。

靈寶如意萬應神效痧藥

真藿香梗

三兩

檀香末

六兩

真茅山木

六兩

真蟾酥

六錢

頂上沉香

明雄黃

麝香

木香

漂淨硃砂

丁香

以上各六錢

以上十味俱要真正道地藥材。於五月五日午時虔製。能治一切感冒。風寒中暑。山嵐瘴氣。九種氣疼。痰迷心竅。各種痧症。小兒急慢驚風。並治一切疑難雜症。先將藥數粒研末吹入鼻內。後大人服三十粒。小兒減半。開水送下。實有起死回生之功。此方秘傳屢效。應驗如神。切勿輕視。孕婦忌服。倘有四方君子好善者。照方修合虔送。功德無量。

○○○虔製太陰丸

專治隔噎瘧疾。神應異常。

預探月蝕何時。當日虔誠齋戒。備辦潔白淮乾麩一觔。再用老紫蘇半觔。煎濃汁。取汁拌麩。軟硬得中。放潔淨磁盆內。臨時恭設香案。候月蝕初虧時。叩首跪案前。丸如梧子大。丸至將復圓時。停止即放案上。露一宿陰乾。揀丸細孔者用之。極妙收藏磁瓶備用。每服七丸。三服為度。此丸服下無不通者。

膈膈神效奇方 詩禮堂孔原刊

猪肺管 四兩 舊羅底 壹個 麩坊所用之舊絲羅底 鮮藕 四兩 如無鮮藕即用乾藕節亦可

以上三味用新砂鍋燒灰研極細末再用生姜壹兩搗爛取汁同霜白糖

壹兩冲服初服吐者再三服之即效如神

世上治膈膈病獨有此方神應目覩救活人不少望仁人君子普傳陰功大

焉。

○ ○ ○ 心胃氣痛良方

端治九腫心胃氣痛受寒而痛者更妙

五靈脂 二錢 不見火研末 公丁香 四分 不見火研末 明雄黃 四分 研末 巴豆霜 四分 去油淨末

白胡椒 四分 廣木香 四分 不見火研末 子紅花 二錢 枳壳 二錢

右藥八味各研細末稱準分兩和勻再共研極細收貯磁瓶幸勿泄氣每

服五厘男以左手心女以右手心盛藥舌舐咽下壹個時辰不可飲茶

不論遠年近日發時服二三服皆可除根

○ ○ 治日久咳嗽良方 黃介堂傳

膈膈心胃痛咳嗽

上海宏大善書總發行所

用甜梨一枚。將梨頂蒂下切開一片。將梨肚中核挖淨。入好白蜜填滿。將切下梨頂蓋好。再用生白濕麩滿糊梨上。入炭火中煨黃取出。去麩食梨。一枚即愈。神效之極。

治咳嗽神效杏酪方

以嗒杏仁壹兩。泡去皮尖。內有雙仁者棄之。買新鐮鉢新研槌。將杏仁搗爛如泥。用泉水煎滾。沖入杏泥內。再用淨細絹包好。洗下杏酪。再搗再洗。除渣不用。

酪入盞碗內。分作三服。每服加研細水晶糖三錢。燉溫服下。早晚各一次。照前法三服立愈。

經驗瘧疾方

此方得自都門。初不深信。後值敝處患者甚多。乃如法治之。效驗若神。即立願施藥二十餘年矣。此方不敢私秘。刊刻以公於世。唯願同志者。多印廣佈。福有攸歸。幸勿輕而忽之。

真川貝

去心研極細末六兩

生半夏

四兩亦另研細末

五月五日午時。合和銅鍋。微火

炒至嫩黃色冷定裝入磁瓶勿令泄氣每服一分五厘。生姜汁二三匙和藥隔水燉熟。在瘡未來先一時服下即愈。重者再服一次。愈後戒發物及南瓜雞蛋芋芡等。二三月勿至再發耳。

附方

用雌雄丁香拾對。白胡椒七十粒。共研細末。收貯磁瓶。用時放在膏藥上。貼臍上風門上即止。

三陰春雷丸

誠馥齋香舖送藥原方

端治三日瘧症。毋論遠年近發。無不應驗。臨日清晨。用薄綿包裹塞鼻。男左女右。俟病發過再除出。孕婦勿用。如法連塞三次。永不再發。用過將醋洗淨收貯。尚可再用。此藥誠心修合敬送。福有攸歸。宜共寶之。忌口要淨。一切鮮發滯氣葷腥勿食。

青黛

官桂

雄黃大塊

附子製

漂硃砂

生礬

生硫黃

巴豆

霜

以上各五錢

白芷二錢

當門麝四分

右藥各研細末。於五月

五日午時。用白水糯粽搗為丸。如梧桐子大。收藏磁瓶。幸勿泄氣。

此丸醫治鄉下貧苦之人極驗。高粱之體似覺次之。

痢疾方

初冬時取白蘿蔔整個攤在瓦屋上。任他日晒風吹。經歷霜雪。不要遮蓋。直至立春前一日收下。用繩穿好。挂在無日處陰乾。遇患痢者。以水煮。加砂糖食即愈。將此蘿蔔切碎鹽拌放碗內蒸熟。常作小菜。并可免喉疾。又暑中痢用乾葛烏梅甘草三味濃煎一碗服之即止。

痢疾神效方

生五靈脂 三錢

明乳香 三錢

去油 巴豆霜 壹錢五分

麝香 三分

胡椒 三十粒

沒藥 三錢

去油 右藥六味共為細末和勻。粽子搗糊丸。梧桐子大。硃砂為衣。

乾透收貯磁瓶。用時將一丸納入臍內。外貼膏藥。到一週時即愈。

豨桐丸

治男婦感受風濕。或嗜飲冒風。內濕外邪。傳於四肢。脈絡壅塞不舒。以致兩足痿軟疼痛。不能步履。或兩手牽絆不能仰舉。凡辛勞之人。常患此症。狀似

地... 用... 採... 取... 切... 碎... 晒... 乾... 炒... 磨... 末... 子... 壹... 兩... 發... 煎... 草... 捌... 兩... 右... 二... 兩...
和勻煉蜜丸如桐子大早晚以白滾湯送下四錢 忌食豬肝羊血番茹
等物 或單用臭梧桐二兩煎湯飲以酒過之連服十劑其痛即瘥或煎
湯洗手足亦可

○ ○ ○ 萬病無憂酒附洗方一 程韞山傳

治諸般風氣五痺左癱右瘓四肢頑麻口眼歪斜骨節痠疼諸般寒濕腰膝
不舒步履艱辛血氣凝滯等症效難盡述

防風 五錢 去蘆 全當歸 五錢 五分 秦艽 五錢 去蘆 枸杞子 壹兩 二分 羌活 五錢

鼈甲 五錢 炙 虎脰骨 五錢 日焙乾 酒浸一 白朮 五錢 土炒 乾茄根 二兩 飯上蒸 杜仲

菜錢 五分 姜汁 拌炒 斷絲 蒼耳子 壹兩 搥碎 川牛膝 五錢 去蘆 油松節 五錢 搥碎 川草薢

五錢 炙 晚蠶 炒 炙 以上各藥依法炮製盛夏布袋內入酒罈再用好高

梁酒拾觔即將罈口封好浸十四日再將罈酒放入水鍋內懸煮一時取

罈埋入土內退火三日隨意酌服取飲時不可面向罈口恐藥氣衝人頭

面飲酒不可間斷 忌發風動氣等物

又洗風痛方法

楮樹枝 即谷樹

椿樹枝

柳樹枝

槐樹枝

經冬白艾

茄根

各一觔。用長流水煎洗。每逢霉天之時。照法洗。天時熱。洗浴極妙。

寒濕神應藥酒

朱守愚傳

專治諸般風寒濕氣。半身不遂。血氣凝滯。步履艱辛。足膝痠痛。大有奇效。

肉桂

枸杞子

大熟地

全當歸

益智仁

羌活

川牛膝

漢防

己

宣木瓜

杜仲

以上各二錢
未泔水洗淨炒斷絲

虎骨

三錢
酥炙

右藥裝入細

夏布袋內。用高汾酒五觔。同入磁瓶內封固。隔水煮一炷香。取出放土中

退火氣。三日。每早晚飲二杯。

治黃疸病神應妙方

朱淵傳

黃疸者。目珠黃。漸及皮膚。皆見黃色也。此濕熱壅遏所致。如蠶麩相似。濕蒸熱鬱。而黃色成矣。然濕熱之黃。黃如橘子。蘗皮。因火氣而光彩。此名陽黃。又有寒濕之黃。黃如薰黃。色暗而不明。或手足厥冷。脈沉細。此名陰黃。其間有

傷食者。名穀疸。傷酒者。名酒疸。出於染天。名黃干。此名黃疸。其間有

勞疸乃陰黃之類。復有久病之人。及老年人脾胃虧損。面目發黃。其色黑暗。不明。此臟腑之真氣泄露於外。多為難治。

鮮鯽魚一尾 陽春砂仁壹兩 洋糖一撮 右三味同搗爛如泥。去骨

入蚌壳內。合於臍眼上。用布一幅捆好。一週時臍中有黃水流出。其病鬆快。即愈。病深者未能全消。照前法再敷。以愈為度。神妙異常。

治猪羊二癩瘋病方

苦參 廿兩 陳茶葉 廿兩 川鬱金 捌兩 生白礬 捌兩 廣木香 四兩

薄荷 四兩 共研細末。煉蜜為丸。硃砂為衣。每服五錢。清茶送下。服完二

料。其病全愈。擬硃砂酌用

有人患此病症。苦累之極。諸藥無效。後得遇此方。照法製服。應效如神。故將靈方抄送。以公同人云。

陰症秘法

用雞蛋三枚。少水煮熟。去壳在滾水內儘煮。用銀簪子在蛋空頭。病人仰睡。將滾熱蛋放於肚臍孔上。看此蛋一暈一暈。自黑到頂。除之。又換一個。滾蛋

照前合上。看其蛋黑止。其病即愈。重症三蛋必效。

純陽救苦湯

治男婦陰症神效

生姜

壹兩切片

大黑豆

五錢炒熟

用水煮數沸。濾其姜豆。取汁服之。汗出即愈。

猪肚丸

治遺精夢泄。不思飲食。肢瘦氣弱。咳嗽漸成勞損。服此自能體健。諸恙必愈。

白朮

五兩土炒

苦參

三兩紅皮取

飯上蒸三次去

牡蠣

四兩取左

顧者煨好研淨

右共為末。以雄猪肚一具。洗淨煮極爛。搗為丸。如桐子大。丸時如燥。稍加

熟蜜。若濕量加山藥粉。每日早晚以米湯各送下三錢。忌食猪肝羊血

番茹。

久服自覺輕身肥健。夢遺立止。又云。培養精元貴節房。更祛塵累最為良。

食惟半飽宜清淡。酒止三分勿過傷。藥餌隨時應勉進。功名有分不須忙。幾

行俚語君能味。便是長生不老方。

專治各種疝氣初起寒熱疼痛如欲成囊癰者用新鮮地骨皮
生姜各四兩共搗如泥以絹包於囊上其痒異常一夕即消永不復發

吞金治法

誤吞金器胸膈痛不可忍以羊頸骨煨末每服三錢米飲下過夜其金器即
隨大便而下此格物之妙方也

閃腰挫氣

以白番葡萄乾壹兩用好酒煎服至重者兩服即愈

一法以礪砂即月石研極細點眼睛四角即愈

治蠱毒預防法

兩廣雲貴多蠱毒飲食後咀嚼當歸即解

保身立命要訣

五月十五日為天地交夫婦當分床獨宿若犯禁忌一年內夫婦雙亡若十
五日子時犯之半年內必然夫婦雙亡戒之慎之

瘋犬咬奇法

先用黑墨一筆寫。

食常治且善。

照法三次。

五字於咬傷之處層疊寫之。口內要誦此五

字寫完一團筆尖擲出無不應效。

治癩狗傷

採洗完錄方

防風 獨莖者 壹兩

天南星 壹兩 共泡 七次晒乾

共為末。每服二錢。白湯下。半日再進

一服出汗即愈。

犬咬奇法

先用濃墨一筆寫。

食主縣常治。

五字於咬傷之處。口內誦此五字。寫完再寫。立即止痛全

愈。

治傷神方

張蘭渚中丞原刊

晉人尚氣。每有事甚細微。一語不合。輒即鬪毆。及傷。較他省為多。又不善於調治。動致斃命。今訪有秘方。屢試屢驗。神效異常。時行刊發。有牧民之責者。

物骨折骨碎立即給藥照方醫治勿臥熱炕定有奇效州縣仁心為實遇有命案往往執罪疑惟輕之論不肯嚴辦然與其曲為開脫以致死者含冤何如速加拯救俾兩命俱得保全功德豈不更大乎。

大西洋十寶散

大梅片 叁分

當門麝 叁分

劈辰砂 叁錢

明乳香 叁錢

子紅花

壹兩

上血竭 四錢

雄黃精 壹兩

明沒藥 叁錢

當歸尾 二兩

生晒

上兒茶 六分

以上十味共為細末磁瓶黃蠟封口勿令走氣

一治跌打損傷皮肉青腫未破者用陳醋調敷患處腫消即愈

一治內傷骨碎或骨已斷折先將骨節湊准用陳醋調藥末厚敷患處以紙

裹外加老棉絮包好再用薄板片夾護將繩慢慢細緊不可移動藥性一到骨自接矣須靜養百日如犯房事必成殘疾

一治及傷深重未致透膜者先用桑皮線縫好多搽藥末於上以活雞皮急急貼護如前骨損養法即愈

一遇跌打昏迷不醒。急用一錢同陳酒沖服。自然醒轉。以便調治。此方神奇。雖遇至重之傷。鮮有不起死回生者。寶之。

重物壓打

凡手足肩背被重物打傷。或青腫紫赤。血痕疼痛。以蘇木煎汁。磨真降香塗之。不可落水。連搽數日。其腫消散即愈。予已百試百效。降香一名紫金藤。軍中多備。以治刀斧損傷。真神方也。

誤斷指頭

用柞香細末。摻之。包以絲綿。七日不可落水冒風。不必再換。一次即痊。親試有驗。

金及傷

龍眼核剝去光皮。其仁研極細。摻瘡口。即定疼血止。西平氏云。此藥在西秦巴里坤營中。救人甚多。按龍眼核。治金及傷之功效甚驗。查本草綱目及別集本草俱未紀載。可知世間有用之材。自古迄今。湮沒者不可勝計矣。惜哉。

五月五日午時採水梅子葉。又名野夢葉。陰乾研為細末收貯。此方立能止血神妙之極。

有膿忌用

玉真散

治破傷風咬牙縮舌。腰背反張。勢在垂危。服此立可回生。此方屢試奇效如神。

天南星

姜汁炒

防風

天虫 炒斷絲

白芷

右藥等分。研極細末。每

服三錢。童便和好酒調下。

凡跌打損傷。內有瘀血者亦效。

凡治破傷風。先以自手三指。並連直插入病人之口。如可插入者易治。若止有二指插入者。其症必危。即婦人產後驚風。亦用此法驗之。可知生死。

被毆傷風神方

如已有傷風情狀者。服過大西洋十寶散。并外敷之後。即服此方。

荊芥

黃蠟

魚鱧

右三味。各五錢。加艾葉三片。入無灰酒一椀。重湯

煮一炷香。熱飲汗出立愈。惟百日内不得食雞肉。

人咬傷痛

用荔枝核。焙研篩細。摻之外。用荔枝肉蓋貼。雖落水亦不爛。神效之極。

一法以青州柿餅一個。令人嗽口潔淨。將餅咀爛。盛磁器內。飯鍋上再蒸極爛。敷患處三日全愈。治過多人。皆效。

跌仆攣筋三四年不愈者 立效如神

楊梅樹皮。曬燥研末。以滴花燒酒隔湯燉熟。調塗患處。以絹紮好。每日一換。不過三五次即愈。

此方係無錫富家。得之遊方道士。已費百金。始傳此方。其應如神。已見咽喉醫士沈會嘉患此三載。依法治好。授子傳人。

湯火燙治法

地榆磨細如麩。香油浸敷。破損者先敷。加以乾末撒上。如爛潰不斂者。取竈心土基。名伏龍肝。再入炭火燒紅。水飛日乾。再加研細。人乳調敷。今之治坊。浸油一缸。以備不虞。拂上立刻止痛。多則二次全愈。功靈效速。乃湯火燙之

聖藥也

一法用蚶子殼煨研細末。配冰片少許。如濕處燥敷。乾處麻油調塗數次。收功。真仙方也。

一法用劉寄奴和糯米煎水退火。塗上即愈。

調經丸

治經水不調。用紫丹參壹觔。切薄片於烈日中晒脆為細末。用好酒泛為丸。每服三錢。清晨開水送下。

種玉酒

治婦女經水不調。氣血乖和。不能受孕。或生過一胎。停隔多年。服此藥酒百日。即能懷孕。如氣血不足。經滯痰凝者。服至半年。無不見效。

全當歸

五兩咀片 能行血養血

遠志肉

五兩製 能散血中之滯行氣消痰

右二味。用稀夏布

袋盛之。以甜三白酒拾觔。入藥袋浸七日為度。每日隨量溫飲之。慎勿間斷。服完照方再製。再於每月經期。加青殼鴨蛋以針刺孔七個。用蘄艾五分煎水半碗。將蛋一枚安放艾水碗內。飯鍋上蒸熟食之。多則食完。少則

三四枚亦可。

返魂丹

治月經不調。赤白帶下。胎前產後一切諸病。

五月五日。六月六日。或小暑日。益母草花正開時。連根採取陰乾。用花葉及子。石臼搗末。煉蜜為丸。如彈子大。每服一丸。

胎動腹痛。下血不止。當歸身湯下。

橫生逆產。胎衣不下。炒鹽湯下。

產後血暈。口渴狂言。產後中風失音。口噤及血結奔痛。時發寒熱。面赤心煩。或鼻衄舌黑口乾。並童便和酒下。

產後二便不通。煩燥口苦。薄荷湯下。

產後喘嗽惡心。吐酸脇痛。無力酒下。

產後瀉血。棗湯下。

產後帶下。膠艾湯下。

產後痢疾。米飲湯下。

凡產後以童便化下一丸。能安魂魄。調經絡。破血痛。經不調者服之則調。久無子者服之則孕。

○○○當歸丸

婦人懷孕宜常服之。臨盆易產。且無產後諸疾。蓋養胎全在脾胃。譬之鐘懸於梁。梁軟則鐘下垂。梁折則鐘下墜矣。故用白朮以補脾胃。條芩能清下焦實火。火去則陰自足。血不妄行。一增其利。一除其害。自無半產胎動血漏之患。故丹溪先生云。白朮條芩安胎之聖藥也。四物為養血之佐。除去地黃慮其滯耳。

當歸身

二兩酒洗

白朮

壹兩九次土炒蒸晒

川芎

二兩

白芍藥

二兩炒

黃芩

二兩炒

右藥共磨細末。水泛為丸。溫酒或白湯送下二錢。

○○○保胎盤石丸

胎孕欲墜者。一服即保住。慣小產者宜常服之。方似平常。而奏效實奇。屢試屢驗。乃異人所授也。

當歸 壹兩

川芎 柒錢

龜板 醋手大一斤 研末

頭髮 要生有過婦人者雞子大一團煨存性

右判細分作四服。水七分酒三分煎至七分服。如人行五里未效再進後服。盡此四服便立產。

佛手散

亦名芎歸湯

治孕婦六七個月。因事跌磕傷胎。或子死腹中。疼痛不已。口噤昏悶。或心腹飽滿。血上冲心者。服之生胎即安。死胎即下。又治臨產艱難。胞衣不下。及產後腹痛發熱頭疼。逐敗血。生新血。其用甚大。其效甚神。

當歸 五錢

川芎 三錢

水七分酒三分同煎至七分服。

如橫生倒產。子死腹中者。加炒焦黑豆一合。用白水童便各一盞煎服。少停再服。

保產萬金湯

論曰。臨產幾個時辰。實屬存亡危迫。關係母子性命。故古人立方甚多。然婦人胎產。乃大傷血氣之事。難產之因。半由氣血不足。產後諸症。全是氣血大虧。產後諸虛。皆屬產前所致。若止圖運行推出之勢。全不顧運行推出之源。

雖有催生開導之功。而無運行藥勢之力。究何補哉。惟以調補氣血為先。以溫中散瘀下降為佐。氣血得力。自能健運。以此催生。是不催之催也。故用人參當歸為君。培補氣血。壯其主也。少加桃仁川芎黑姜炙草酒紅花。溫中而散其瘀滯也。牛膝稍桂心。溫行導下。使無上逆冲心之患。不惟催生神效。產後更無瘀血凝滯百病。補而兼溫則不滯。溫而兼補則不崩。升少降多則氣得提而易下。降而兼升則瘀自去而新自歸。補多瀉少。邪去而元氣無傷。苦少甘多。瘀逐而中和仍在。

人參 三錢至五錢 當歸身 三錢 川芎 壹錢 桃仁 拾二枚不 乾薑 壹錢

甘草 六分 牛膝稍 二錢 紅花 三分 桂心 六分 加膠棗 一

枚。水煎食前服。如產婦壯實及無力服人參者。去參用之亦效。

便產神方 湖郡王太守京中得來刊印施濟用之屢著神驗毋忽視

胎至七八九月。每月服二三劑。產時再服三四劑。易於分娩。然此方之妙。何止催生。胎動者服之可以安胎。慣小產者服之可以保胎。其有橫生倒產者。

女科之神劑也

黃芪藥分 蜜水炙

川芎壹錢

當歸身壹錢

白芍藥壹錢

兔絲子酒洗

荊芥八分

紫厚朴七分 姜汁炒

川羌活五分

川貝母壹錢 去心

枳殼六分 炒

蘄艾五分

甘草五分

加薑三片水煎服

預服者空心服

臨產者

隨時服藥品要道地

分量要稱準

產後

忌服至囑至囑

仙傳通津救命至靈湯

治裂胞生及難產數日血水已乾產戶枯澁命在垂危者服之神效

桂圓肉陸兩 去核不用

生牛膝壹兩 酒浸搗爛

將桂圓肉煎濃汁冲入牛膝

酒內服之停半日即產親救數人無不神驗

難產保生

陳麥草須取露天 者更妙

每用一兩洗去塵垢剪寸段煎湯服難產極效此方須傳

窮鄉僻壤醫藥不便及無力醫藥者亦可保生倘全活一命陰功莫大

○ ○ ○ 生化湯 竹林寺秘傳

治產後兒枕痛及惡露不行腹疼等症

原論云。產後血塊當消。新血宜生。若專消則新血不甯。專生則舊血反滯。此方行中帶補。化中有生。誠產後之要藥也。

當歸身 六錢

川芎 四錢

乾薑 五分

桃仁 五分
帶皮尖研

甘草 五分
炙

右藥五味。用水一鐘。童便一鐘煎服。若惡血已行。腹痛已止。減去桃仁。再多服數服亦佳。

平胃散

治胎死腹中。

蒼木 三錢
米泔水炒

厚朴 三錢
姜汁炒

陳皮 三錢

甘草 壹錢二分
炙

加朴硝

二三錢。水煎服。胎即腐下。

牛膝湯

治胞衣不出。腹臍堅脹。急痛頃刻殺人。服此胞即爛下。亦可下死胎。

牛膝 二錢

瞿麥 二錢

歸尾 三錢

通草 三錢

滑石 四錢

冬葵子

二錢五分

右藥六味。水煎服。

一方有桂心一錢。

失笑散

治產後半產惡血攻心昏迷不省及心腹絞痛欲死者其效如神亦治經後心痛名殺血心痛

五靈脂

炒令烟盡研

蒲黃

炒黑

右藥二味等分為末每服三錢溫酒調服

或童便亦可

神醫華仙師愈風散

治產後中風口噤牙關緊急手足瘳癱如角弓狀或產後血暈不省人事四肢強直或心頭倒築吐瀉欲死此藥清神氣通血脈其效如神勿以平易而忽視之

荊芥穗

微炒研細末每服三錢

黑豆二合炒微焦淬無灰酒中去豆取酒調服或童便調服亦可口噤者擗開灌之若斷噤則不必研末只將荊芥穗以童便煎俟溫灌入鼻中其效如神

產後陰腫

附方一

皆因下體受風形似生毒紅赤腫疼歌曰婦人忽患陰中腫葱白研膏入

乳香敷貼患處洗去。原來海上有奇方。

一法以羌活防風各一兩煎湯薰下體亦消。

。小兒生下不啼救法

凡生產艱難。或天寒孩兒生下不哭。或已死者。急用衣綿包裹。再用香油紙。將臍帶慢慢燒斷。暖氣入腹。漸漸作聲而活。倘或先剪斷臍帶。必死無疑矣。

。小兒月內出痘神方 存德堂金原刊

金銀花 壹錢

赤芍 二錢

紅花 壹錢

桃仁 壹錢

荊芥穗 壹錢

生地 二錢

當歸 二錢

生甘草 五分

水二茶杯。煎一酒杯。用本小兒

臍帶約二三寸焙乾。忌用煤火研末。調入藥內。令小兒分數次服盡。頭日

服藥。次日出痘。三日收功。不灌漿。亦不結甲。此方須於初生十八日內用

之。過十八日則不驗矣。

按天都馨山氏原刻。載此方乃胡君現用南路廳司馬少泉五兄所授。少泉

過余寓。偶論及種痘。因出是方。亟稱其神妙。據云。今年二月添一孫。甫十

二朝適獲是方。如法服之。明日其痘對對發出。頭面手足皆遍。形色紅活。與正痘無異。踰日而退。旋又發出疹子。亦甚透足。時司獄蔣君有姻戚舉子。已十六朝。急乞是方與服。出痘亦如前狀。既經屢驗。不敢自秘。欲廣其傳。余允為代刊。施送。

休邑壽椿堂汪君。得此方於漢鎮。歸而誕子。服之而效。又傳其典夥數家。皆效。其戚徐君菊牖。為子同年友。因以告子。乃急索其方而刊送焉。此方照法製度。與小兒服下。次日出痘。出疹如法。思小兒服藥後。即下青色大便。係解除胎毒明証。法亦良善。然天花行時。服過此藥之小兒。原照常出痘。惟減輕而矣。附誌以冀識者鑑察。

神效稀痘方

凡小兒痘瘍驚風等症。皆由先天胎毒蘊結之故。初生三日以內。自腦下風門骨至尾間。用雞子清輕輕逐節研擦。週而復始。有毛出如髮。尾間須多研。愈研愈出。將黑毛拔盡。終身不出痘。即出亦惟數顆。且無驚風之痘。如六九日。再研更好。

此法得之。山左張洙源封翁家傳。屢世子弟。從無有痘殤者。因法便效神。刻之以公諸世。幸勿淺近視之。

初生小兒月內臍風神效方

如發臍風者。看小兒臍上。定起有青筋一條。自臍而上指心口。若此筋已至心口。十難救一二矣。看此筋未至心口時。用艾壯在青筋頭上灸之。此筋即縮下寸許。

再從縮下之筋上灸之。此筋即消。病愈屢試屢驗。艾圓不過如赤豆之大。或如麥子大。

小兒驚風論

小兒忽然驚風。手足抽掣。情形危險之際。當放於床席之上。或泥地上。任其牽動。不可抱緊。蓋風與痰相激。筋絡間皆有痰流注。定後則仍歸於脾胃中。若一緊抱。便凝結不散。醒後多成廢人。至言勿忽。

急慢驚風危極者立效法

孩兒土皮上。以手中蓋之。以真絲毛雞一隻。令人奉主。立土皮上。少刻。其佳。

自能撲翅蹲在肚上半日。雞自走落。將雞快灌香油。不然雞要立死。孩兒即愈有救。

○小兒口疳

附方一

生香附。生半夏。等分。為末。雞蛋白調作如餅。貼男左女右湧泉穴。一週時愈。如小兒口内生毒塊。不能食乳。俗名螳螂子。用生地酒浸搗爛。塗男左女右脚心自愈。

斷乳奇法

山梔一個。辰砂麝香雄黃雌黃各二分。輕粉一分。共研末。待兒熟睡。用麻油調搽兩眉毛上。即不思乳。此名畫眉膏。乃小兒斷乳之奇法也。擇伏斷日。

○小兒誤將豆粒塞入鼻孔中不出神法

小兒無知。自取諸般豆粒并物塞入鼻孔。又用手指自挖。進入關內。鼻涕放大。腫脹痛甚。百方不能取出。法用二人。以一人將兩手掩緊小兒兩耳竅。叫小兒眼目閉緊。一人用手掩住無物鼻竅。以口對小兒之口。用力一吹。即時落下。妙極。

小兒誤吞鐵釘良方

小兒誤吞鐵釘。剝新炭皮研為末。調粥三碗。與小兒食之。其釘自下。此方見蘇沈良方。蘇沈者。蘇東坡沈存中也。按紀文達公槐西雜志。載蔡葛山先生曰。吾校四庫書。坐訛字奪俸者數矣。惟一事深得校書力。吾一幼孫。偶吞鐵釘。醫以朴硝等藥。攻之不下。日漸羸弱。後校蘇沈良方。見有小兒吞鐵物方云。剝新炭皮研末調粥三碗。食之。其鐵自下。依方試之。果炭屑裹釘而下。

三豆散

程韞山傳

治小兒痘後餘熱結毒。俗名痘毒纏綿不愈者。

赤豆

黑豆

菜豆

各等分

將三豆浸水中。一日。搗爛塗患上。乾

即更換。數上用油紙隔包好立愈。

癸卯年續補集驗拔萃良方

○○○ 內消疔瘡神丸 附方一

專治五色疔瘡初起。或有小白頭一粒。或痒或木。憎寒發熱。及疔毒走黃。黑陷昏憤嘔惡等症。

此丸兼治對口腦疽。發背癰腫。無名大毒。屢試屢驗。勝於飛龍奪命丹也。

猪牙皂 切碎去筋炒 真乾蟾酥 壹兩切薄片 白明礬 生研極細 當門麝

香 去毛淨 右將蟾酥用滴花燒酒浸軟。加入礬皂麝三末。和勻搗為丸。

如菜豆大。晾燥收貯。每服一丸。將葱白衣裹藥。以好酒送下。勢重者每日

服二次。此藥每次止可服一丸。危急之症。併體壯實者。服兩丸。多服恐致

嘔吐。慎之慎之。凡疔生唇口上。頭腫如斗。心神昏陷。急以蛔虫搗爛塗

之。頃刻瘡口流黃水。腫消神清。再看大腿灣有紫筋起者。急用銀針刺破。

手擠惡血。應效如神。

青芝散

崇治咽喉風火時邪急症。併雙單乳蛾等。用此極驗。

集念良方 疔瘡丸 青芝散 上海宏大善書總發行所

上川連 八分

廣青黛 壹錢二分

梅花冰片 二分

白礪砂 壹錢二分

西瓜霜 二錢

橄欖 三錢

絲瓜葉 二錢

右藥照法製度。各研淨末。稱

準分兩。和勻同研。極細無聲為度。磁瓶收貯。臨用時約半匙許。吹患上。提出痰涎立愈。慎勿吹多。

製藥法

廣青黛

取淨滾水沖之。燉飯鍋上用。絹篩濾去粗滓。水飛四五次。提

橄欖核

用好橄欖去肉。取生核搗研細末。熟核無用。

西瓜霜

要頭藤頂好老結。西瓜一個。藏好。俟九十月間。西風日。將瓜

絲瓜葉

採取經霜者。去淨筋。炙存性。候硝從皮泛出。以雞翎拂下。收貯備用。懸於有風無雨處。

八寶丹

專治癰疽發背。搭手無名腫毒。拔膿除腐。生肌長肉。應效如神。

真珍珠 壹錢

豆腐內煮研

全蝎 二個

漂淨炙

龍骨 壹錢五分

煨

蜈蚣 二條

去頭足炙

馬瑙 壹錢

白蠟 壹錢

雄精 壹錢

海標 壹錢

得旨 壹分

狗脊二錢 梅片壹分 製甘草壹錢 紋銀末到研極細 製乳香錢

象皮壹錢五分 瓦上炙 製沒藥壹錢 輕粉二分 右藥共研極細末收貯磁

瓶備用。

○猪膽膏

專治一切疔瘡癰腫惡毒應驗如神。

松香壹兩四錢 葱薑汁製 真廣膠二兩 明乳香壹兩四錢 老姜汁六兩

明沒藥壹兩四錢 燈心炒去油 大蔥汁六兩 猪苦膽壹百個 右藥各研末和

葱薑汁拌勻再加廣膠儘晒逐日加猪胆汁以竹簽挑破擠汁日晒夜露

成膏三伏時製勿見雨鐵忌火隔水燉化用元色細絞捫

青布攤膏不用油紙白疽忌用。

○潤肌膏

治白屑風手窩瘡鷲掌風血風瘡小兒胎癩瘡神效。

真麻油四兩 當歸五錢 奶酥油二兩 紫草壹錢 將當歸紫草入

香油內浸二日火煤焦去渣加黃蠟五錢溶化用布濾傾入碗內不時用

柳枝攪冷成膏。每用少許。日擦二三次。

治哮喘良方 程琢齋傳

製南星 五錢 桔梗 五錢 川貝母 五錢 細辛 五錢 製半夏 五錢

杏仁 五錢 去皮尖 生麻黃 叁錢 生甘草 五錢 白蘇子 三錢 生紫苑 叁錢

製藥之法。先將麻油陸兩煎藥枯。去渣濾淨。然後用白蜜四兩。姜汁四兩。熬成膏滴水成珠為妙。每服時須要五更雞鳴時。分用老姜二片。沖百沸湯調和膏大茶匙一匙。小匙二匙。幼童時二料。必能全愈。年輕者三料。必愈。中年難以除根。到發時服之亦免苦楚。忌酒。生冷一切發物不可食。永遠不發矣。

吐血良方 附方一

百草霜 二兩 紅花蕊 壹兩 全當歸 壹兩 川撫芎 八錢 參山漆 壹兩

赤芍藥 壹兩 淨茜草 四錢 陳京墨 壹兩 右藥俱揀道地。惟京墨最

要頂高。真陳久者妙。參山漆與百草霜亦要覓頂高者用之。

此症者亦宜男童取藥送入口中服下無不效驗。

醫書內云凡吐血之症服寒涼藥者百無一生吃童便者百無一死真至言也。緣予年甫十一歲即患吐血症賴先慈每日以生雞蛋二枚將銀針於蛋上打眼五個皆左通透於右以好童便浸一晝夜清晨煮食連食一載無間病即全愈今年已七十有七矣。又大胞兄二十六歲時亦患吐血症先服童便浸雞蛋後單服童便年餘雖不能除根但逢吐即服不致為害後因童便不便改服自己小便每逢吐血即服年屆六旬終不為吐血所損。後來凡遇吐血之人勸其不可服寒涼藥傳以吃童便浸雞蛋或服童便或飲本身小便俱見不成損症此實身歷屢試而無疑故特附刻之。

治虛勞奇方

凡虛勞夜熱咳嗽夢遺肢瘦盜汗喘泄諸藥不應醫皆覆絕。惟有一法可以起死回生。取紫河車拾個將老鴨一隻每以水煮河車一個不必洗淨分作三日喂鴨食之一月之中河車喂完將鴨烹調病者食之若單服河車難辨。

有毒無毒。及男女胎之物。總之鴨吃。有毒已化。其鴨更肥而大。如月食三鴨。其功比獨參湯更得其力。此法愈人已廣。幸勿泛視。

治臟脹良方

時聲三傳

用雄豬肚子一隻。不用落水。用青馬糞三個。同大蒜頭裝入塞滿為度。將銀針縫好肚口。用磁罐燒爛取出。將肚內蒜頭馬糞揀出。用草紙揩淨肚內。然後搗爛。加淮山藥粉和入。再搗為丸。曬乾收貯。每服三錢。切不可犯鐵器。因友人患此症候數載。百醫未愈。得此良方。照前法製服之。三料其病即除根。

○。○。瘧疾奇效良方

山陰倪涵初先生定

瘧之為害。南人患之。北人尤甚。弱者患之。强者尤甚。雖不致遽傷大命。然不治則發無已時。治之不得其道。則惡邪內伏。正氣日虛。久之遂不可藥。予所定三方。甚為平易。又無奇絕。不入常山草果等劫藥。且不必分陰瘧陽瘧。一日二日三日及非時瘧。人無老幼。病無久近。用此三方。不必加減。唯按次第服之。無不應手而愈也。

此方平胃消痰理氣除濕。有疏導開先之功。受病輕者二劑即愈。若三劑後病勢雖減。尚未全愈。再服第二方。

紫厚朴八分 姜汁炒

茅木八分 米泔水製

柴胡八分

茯苓二錢

姜半夏壹錢

青皮六分

威靈仙壹錢

檳榔六分

淡黃芩八分

陳皮壹錢

炙

甘草八分

右藥加生姜三片。水酒各一碗。煎八分。饑時服。頭痛加白芷

壹錢。無汗加麻黃。用時酌量分兩。只用一劑。後俱去之。

第二方

此方妙在補瀉互用。虛實皆宜。不用人參黃芪。屏去常山草果。平平無奇。卻有神效。即極弱之人。纏綿極重之病。十劑後立有起色。功奏萬全。所云加減一二。即不靈應者。正此方也。

鮮首烏三錢

白朮壹錢 土炒

鼈甲三錢 炙脆

茯苓二錢

柴胡八分

陳皮

八分

黃芩八分

當歸壹錢 酒拌

威靈仙壹錢

肥知母二錢 炒

炙甘草

六分

右藥加生姜三片。河井水各一碗。煎八分。再加無灰酒半碗。再煎

一滾空心服。久瘧加蓬朮壹錢。切勿早用人參。如閉賊於重門之內。必搏擊害人。所傷者大矣。直至瘧止之後。補弱扶危。再服。第三方專為有力者設也。若貧家安得有參而用之。只服第二方多多益善。方雖有三。第二實為主方。既不刻削。亦不峻補。功獨歸之。

第三方

人參壹錢

貧者用黨參代之

白朮

壹錢

黃芪

壹錢二分

當歸

壹錢二分

升麻

四分

柴胡

八分

陳皮

八分

炙甘草

三分

或加

何首烏二錢

肥知母

壹錢

青蒿子

八分

大麥芽

壹錢

右藥加生姜一片。大棗一枚。水二碗。煎八分半。饑時服。用三五劑。元氣充實。永不復發矣。

治瘧疾靈膏

專治雙單瘧疾。臨發時早二個時辰。將膏貼背脊骨第三節風門穴。一週時取下即愈。

收則破瓶備用不論何膏搽一分貼穴上
治三日瘧良方 卜竹溪傳

香 緣 壹隻陳者更佳中號者用雄精五錢
研細大者加二錢小者除一錢

先將香緣刊開一孔再入雄精末於內將挖下香緣一塊補之懸掛陰乾臨製時先將爛泥週糊香緣外於五月五日早晨將香緣放炭火內煉之烟盡為度蓋息除泥研末候午時同黑棗肉搗和為丸每丸乾重二分發病之日前六個時辰服一九發時大吐為妙抑或吐下期再服候吐後其症方可除根調養一月自然復原矣 忌一切生冷滯氣魚腥發物房事三月為要 不慎猶恐復發

痢疾奇效良方 山陰倪涵初先生定

痢為險惡之症生死所關不惟時醫治之失宜而古今治法千家多不得其道是以不能速收全效今立方何以為奇不泥成法故奇也立論何以為妙不膠成說故妙也然其藥品又不外乎常用而已有識者切不可更張勿為庸醫所誤遵而用之百試百效者也

初起煎方

川黃連 壹錢二分

條黃芩 壹錢二分

白芍藥 壹錢二分

山查肉 壹錢二分

陳枳殼 八分

去穢

紫厚朴 八分

去皮姜汁炒

小青皮 八分

堅檳榔 八分

當歸 五分

地

榆 五分

甘草 五分

紅花 三分

南木香 二分

用藥汁摩臨服時沖入

桃仁 壹錢 去塵 共研如粉

右藥如法炮製。用水二碗。煎一碗。空心服。渣再煎服。或紅或白。裏急後重。

身熱腹痛者俱可服。如單白者。加橘紅四分。木香三分。去地榆桃仁如

滯澁甚者。加大黃 二錢。酒炒。服一劑。滯澁已去。不必再服。用大黃不可拘泥分

兩。看病者老幼。身體壯弱。隨症斟酌。

右方用之三五日神效。用之於旬日亦效。惟十日半月外者。則當加減矣。

另詳於左

加減煎方

川黃連 生四分 酒炒六分

大白芍 生四分 酒炒六分

條黃芩 生四分 酒炒六分

廣橘紅 四分

當歸 五分

山查肉 壹錢

川厚朴 四分 姜汁炒

堅檳榔 四分

小青皮 四分

也前四分

向二分

工二分

六分

四分

而虛滑者。法當補理。具法如左。

補理煎方

人參

五分 貧者用 潞黨參三錢

白朮

壹錢 土炒

當歸

五分

白芍

六分

川厚朴

三分 姜炒

橘紅

六分

黃芩

六分 酒炒

炙甘草

五分

地榆

四分

木香

三分

紅花

二分

右藥如法炮製。用水煎空心服。渣再煎。

以上三方。隨用輒效。其有不效者。必初起投參朮補劑太早。補塞邪氣在內。久而正氣已虛。邪氣猶盛。纏綿不已。欲補而澁之。則助邪氣。欲清而疏之。則愈滑。遂至於不可救。雖有奇方。無如之何。則初投溫補。可不懼哉。婦人有孕者。去桃仁紅花檳榔。

微理妙論

古今治痢者。皆曰熱則清之。寒則溫之。初起熱盛則下之。有表症則汗之。小便赤澁則分利之。此五者舉世信用。若規矩準繩之不可易。予有獨見。惟清熱一法無忌。餘四法皆大忌。今詳於後。

一忌溫補。痢之為病，由濕熱蘊積，膠滯於腸胃之中，清邪熱，導滯氣，行滯血，則其病速除。若用參、朮等溫補，則熱愈盛，氣愈滯，久之正氣虛，邪氣熾，不可療矣。初投溫補之禍也。

一忌大下。痢因邪熱膠滯腸胃而成，與溝渠壅塞相似。惟用藥磨刮疏通則愈。若用承氣大下之，譬如清水蕩壅塞之渠，壅塞必不可去也。徒傷胃氣，損元氣而已。正氣傷損而邪氣不除，強壯者猶可，怯弱者必危矣。

一忌發汗。痢有身發寒熱、頭痛目眩者，此非外感，乃內毒薰蒸，自內達外，雖有表症，實非表邪也。若發汗則耗其正氣，而邪氣得以肆。且風劑燥熱，愈助熱邪，表虛于外，邪熾于內，鮮不斃矣。

一忌分利。小便利，小使者，治水泄之良法也。以之治痢則乖。痢因邪熱膠滯，津液枯澁而成。若用五苓等劑，分利其水，則津液愈枯，滯澁愈甚，卒至纏綿難愈。此分利之為害也。若清熱導滯，則痢自止，而小便自利，安用分利為哉。

予於此一症，素畏其險惡，用心調治者二十餘年，百試百愈，頗有少益。元

身自忘之。益勝益精。然後能破諸家之迷障。而為奇妙之方論。今刊而與世共之。以救斯疾苦。而登之仁壽也。

痢有噤口者。毒在胃口也。用首一方。將藥煎熟去渣。分五六次緩緩服之。令其胃口毒氣漸開。服完一劑。不惟藥可進。即飲食亦漸可進矣。不必另用他藥。

○○○萬應如意痢疾丸

治傷風頭痛發熱鼻塞聲重痰嗽傷食停積胸中膨脹腹痛胃氣痛時疫瘧疾水瀉白痢等症。

紫蘇

桔梗

前胡

陳皮

枳殼

神麩

羌活

山查肉

以上各四兩

防風

藿香

白芷

厚朴

姜汁炒

川芎

薄荷

茅朮

以上各叁兩

麥芽

蘿蔔子

當歸

酒拌

甘草

姜半夏

茯苓

以上各貳兩

廣木香

壹兩
另研

砂仁

壹兩六錢
去衣另研

右藥廿三味。照法製度。餘炒微脆。共磨

細末。用姜汁糊為丸。如梧子大。晒乾收貯。每服三錢。輕者二錢。淡姜湯送

下。赤痢白滾湯下。

霍亂吐瀉。陰陽水下。應效如神。修合濟人。功德無

白搗爛。做成小塊。重不過兩。晒乾。大人每服三錢。水一湯碗煎七分。小兒減半。或一錢。水一大茶鐘煎七分。每錢破作五六塊。

外感發熱。頭眩咳嗽。瘧疾嘔吐。俱加生姜同煎。泄瀉加烏梅同煎。惟痢疾一症。須加倍用。再同好陳茶心煎服。

○治鼻中瘻肉良方二

取藕節毛處一節。煨存性。研末吹之。其肉斂縮而脫。

又法。用枯礬猪脂搗丸。綿裏塞鼻數日。隨藥可出。

○治流火經驗方

用野菊花壹兩煎湯。頻服。外用番木鱉取菊花湯磨汁。用雞毛刷於患上即愈。

○治白濁良方

濁之因有二種。一由腎虛敗。精流注。精竅不閉。時滴精液。一由濕熱滲入膀胱。小便赤澁。便時淋濁。用懷山藥四觔切片。飯上蒸晒九次。磨粉米飲湯。泛

為丸。如梧子大。晒乾收貯。每日早晚二次。用百沸湯送服五錢。不可間斷。服完一料即瘥。抑或未全。照前再合一料。候九蒸九晒後。加入壯年人乳拌透。晒磨。或用真牛乳拌更妙。服完必愈。此方平易無奇。服之實有神功。幸勿輕而忽之。

○○○至寶丹 又名小牛黃丸 程琢齋傳

治小兒一切風寒發熱。痰滯停食。及急驚風等症。

犀牛黃三分 天麻三錢 麝香壹分去毛淨另研 桔梗二錢 僵蠶叁錢

橘紅三錢 全蝎壹錢洗淡酒炒 生半夏二錢 蟬衣二錢 廣鬱金二錢

茯神三錢 蘇薄荷四錢 遠志三錢去心 枳殼五錢 甘草壹錢

右藥晒研。各為細末。稱準分兩。和勻共研極細。另加鈎藤鈎壹兩煎汁。再

加黑沙糖五錢。煎水濾淨。搗為丸。如芡實大。一料約壹百五十九。漂淨

砂為衣。外滾赤金箔二十張。

修合必要選日。虔誠齋戒香案。忌雞犬婦人見。

白露節前後至九月。梗內有臨服須用親娘血。以丸研細人乳調服

小兒初生大小便不通治法

治小兒初生大小便不通。急令婦人以溫水嗽口。吸啞小兒前後心手足心并臍下共七處。以紅赤色為度。即通。

救苦靈膏 程竹樓先生傳

此係內府秘方。治男婦內外腫瘡。血風蟻窠。脚上一切濕毒諸瘡。不拘近遠。貼之無不應效如神。

蘆甘石 四兩製 黃蠟 拾兩 白蠟 拾兩 蜜陀僧 壹兩研細 花椒 壹兩五錢去莖淨

用麻油三觔煎滾。將花椒放下煎黑。撈去渣。候油熬至滴水成珠。不散為度。再將黃白蠟下。次入甘石。陀僧調勻成膏。其膏用拖法。將頂高皮紙裁八寸長三寸濶。鍋面拖之涼乾。收用愈陳愈妙。

製甘石法。用黃連 黃芩 黃柏 各五錢 煎水。名曰三黃湯。將甘石火煨浸收數次。以乾為度。

天竺膏藥方

大楓子 四錢 蛇床子 四錢 牛蒡子 四錢 川羌活 三錢五分 獨活 三錢五分

草麻子 四錢 白練皮 三錢五分 白芨 三錢五分 破故紙 三錢五分 白芷 三錢

蜂房 壹個 桑寄生 三錢五分 防風 三錢五分 南星 三錢五分 陳皮 三錢 土茯苓

苓 四錢 木鱉 四錢 皂角刺 三錢五分 白芍 三錢五分 紅花 三錢五分 蒼耳子

四錢 川烏 三錢五分 半夏 三錢五分 歸身 四錢 歸尾 三錢 黃柏 三錢

草烏 五錢 甘草節 三錢 穿山甲 三錢五分 杜仲 三錢五分 天花粉 三錢

附子 三錢 黃丹 參拾兩 薑汁 二兩 蔥汁 壹兩 頭髮 三兩 用雞蛋白清

麻油 五斤 槐柳桃桑棗枝 各壹兩 以上各藥 即入油內 浸五日 後入鍋

煎 撈起 諸藥 濾乾 將藥 磨末 入油 再煎 外加

上肉桂 三錢 麝香 七分 雄黃 三錢 冰片 二錢 蘇合油 二兩 乳

香 三錢 白豆蔻 三錢 木香 三錢 沒藥 三錢 丁香 三錢 三蚕沙

參錢 阿魏 參錢 五分 以上各藥 研極細末 入油煎膏 滴水成珠 便好 所有

三蚕沙 阿魏 煎黃丹 收用 按圖 台症 另開

一治遠年近日心痛。貼中腕穴。一治大小瘡疾。貼肺腧穴。

一治五勞七傷。遍身筋骨疼痛。腰膝軟弱。貼兩膏肓穴。兩腎腧穴。兩三里穴。

一治左癱右瘓。手足麻木。筋脉拘攣。貼兩肩井穴。兩曲池穴。兩手腕穴。兩膝

眼穴。兩三里穴。

一治腰痛。貼命門穴。一治受寒泄瀉。貼下腕穴。

一治痰喘氣急咳嗽。貼華蓋穴。肺腧穴。膻中穴。

一治胃氣疼痛。貼上腕穴。一治偏正頭風。貼風門穴。兩太陽穴。

一治男子遺精赤白濁。女人赤白帶。月經不調。血崩漏。貼陰交穴。命門穴。

一治小腸疝氣。貼膀胱穴。丹田穴。一治走氣疼痛。貼兩章門穴。

一治寒熱脚氣。貼三里穴。三陰交穴。

一治一切無名腫毒。諸般惡瘡乳患。跌打損傷。積滯痞塊。勞傷內傷。閃挫等

症。各貼所患之處。

凡大熱火症。以及孕婦。忌貼。此膏屢試屢驗。無不見效。真神膏丹也。

專治痧喉痛係喉口各症。此方皆可用。

漂淨青黛 二錢五分

煨人中白 二錢五分

大梅花片 壹分五厘

生蒲黃 二錢五分

生黃柏 二錢五分

明礬砂 壹錢五分

右藥照方揀選道地。秤準不可輕重。共研

細末和勻。磁瓶收貯。勿令洩氣。臨症用喉鎗吹之。立效。若症重或潰爛不

能收口。加○吐牛黃 壹分 珍珠粉 壹分 二味研極細末為度。拌勻吹之。無

誤。

忌疔散

此方能消能散。以成速潰。乃聖藥也。

蘆甘石 二兩煨九次童便浸

兒茶 壹兩

乳香 壹兩去油

沒藥 壹兩去油

大蜈蚣 肆拾條焙

輕粉 壹兩淨

五倍子 壹兩去壳先焙

川山甲 壹兩

大全蝎 肆拾個焙

腰黃 叁兩明淨

研極細末。每壹兩入梅花冰片 壹錢

原麝香 壹錢

痢疾神效方

川薑 肆兩

蒼朮 陸兩米泔水浸一日

木香 捌錢晒研

杏仁 八十粒去皮共油

草烏 壹兩麩裏

煨九 大黃 壹兩 青皮 壹兩 枳殼 壹兩 檳榔 壹兩 澤瀉 二兩
次 去穰

右藥共焙。研成細末。收貯磁瓶內。勿令洩氣。如白痢淡薑湯送下。禿紅痢
濃薑湯送下。紅痢白痢全燈心淡薑湯送下。

以上製合不但時成合。必須五月五日午時。晒一時收貯磁瓶。效驗如神。
孕婦忌服。並忌生冷麪食。須空心服。週歲服 捌厘 三四歲 壹分 七八歲 壹分

五十五六歲 二分 二三十歲 三分 四十歲 五分 五六十歲 二分
神效八厘散 程竹樓先生傳

專治各種痢疾。此方愈人無數。應效如神。

礪砂 三錢 要白如雪者 辰砂 二錢 漂淨 當歸 二錢 沉香 二錢 木香 二錢

丁香 二錢 甘草 二錢 生軍 二錢 巴豆霜 壹錢

共藥九味。俱不要見火。各味研極細末。稱準分兩。和極勻。磁瓶收貯。勿泄
氣。每服用八厘。姜一片。滾水冲服。片刻即下大便而愈。至重者再用八厘
無不全愈。

余素不諳岐黃。惟暇時輒喜翻閱。心竊慕焉。每見有立能起死回生藥到病除之方。隨時摘錄。聞有靈藥妙方。為人人所傳播者。必求而得之。不惜辛勞。購選藥品。虔製備存。遇疾辨症。按方療治。無不應手立效。已歷有年矣。第恐良方湮沒。編次成帙。質之黃君省齋。志與同好。為余校勘。且慫恿剞劂。因力綿未能開雕。乃商於同志。樂而付梓。名曰拔萃良方。諺云。施藥不如送方。蓋藥僅濟一隅。方更可廣佈廣傳。衛生之寶。當與同仁共之。余豈可獨秘篋笥哉。故將生平所親自試驗若干方。和盤托出。其中之最神效者。方上刊三圈。得心應手者。二圈。見於他書。并友人所傳而未經親試者。無圈。刊既竣。爰記其端末於簡尾云。

道光二十一年歲次辛丑迎夏日

恬素氏識